

Л. ОГНЕВ

ТАТЧӨ
БЫДМАСНЫ
узори узьяс



ЛЕОНИД ОГНЕВ

ТАТЧӨ БЫДМАСНЫ
ДЗОРИДЗЬЯС

КОМИ КНИЖНОЙ ИЗДАТЕЛЬСТВО

Сыктывкар 1960



1

— Чеччы, пиёй,— шыасис, кылө, мам.— Педөр другыд важөн агсасьö.

Ме дөзмөмөн ымөсті, суйи юрөс пöдушка улө.

— Чеччы, самөвар пузьöма...— мөдысь шуис мам.

Нинөм он вöч. Сьökыда ышловзи да вöсьті синъясöс.

Тöрыт ныр вылө усьтөдз ворсім мачөн, гортö пырим шондi петөм бöрын. «Узьыштнытö оз сетны,— думышти ме.— Эг на вевъяв прамöя унмовсыны, бара нин колö чеччыны».

Трусик кежысь петі кильчö вылө. Ярьюгыд шондi эз лэдз вöсьтыны синъясöс, но век жö аддзи: Васьö вок ноксьö автомашина моторөн, чой вайö ведраясөн ва.

— Унмыд локтö?— юалис Таня.

— Локтö, дерт,— очсышти ме.

— Пальöдыштам...

И друг ыркмуни менам сьөлөмөй: чой бузнитис юр вылам көдзыд ва. Лёкгоршөн горөді да шыбитчи бокө. Қөс-йи чойөс асьсө буринака пожйыштны, но сійө пышйис керкаө.

Көдзыд ва вздукөн пальөдіс унмөс. Лои ыркыд. Тушаөс, кажитчө, зэвтисны кутшөмкө пружинаяс. Ошиньод мыччысис чойлөн еджыдруд кудриа юрыс:

— Лөсьыд?

Ме петкөдлі сылы кулакөс.

Чай юигөн пырис Володя — шөркодь тушаа, мугов чужөма, пемыдруд гажа синъяса том морт.

Ме йөжгыльтчи: «Бара агсасыны ыстас!»

Володя — миян бригадир дай колхозной комсомольской организацияса секретарь. Ме польштикодь сыысь. Қомсомолө ме пыри тулыснас на и өні учёт вылын сулала колхозной организацияын.

— Антоновна! — Володя шыасис мам дінө. — Муниг-мозыд пилорама дорысь гөрбыльяс тракторнад нуан. Степан дядь кутас силос гу цементируйтны. Қолө формасө лөсьөдны...

Мам довкнитис юрнас.

— А тэ, Танюша, картопель пуктыны... Но, а Питиримлы агсасыны ковмас. Бур?

— Рытсыныс нин лөсьөдчө, — серөктис Таня.

Ме букыштчылі сы вылө, но нинөм эг шу, көть эськө шондіа луныс гажтөмөн кутіс кажитчыны. Бара агсасыны! Қык вежон сайын помасисны экзаменъяс да быд лун на уджалі: кыскалі куйөд, новлі картопель көйдыс. Дивө! Мортыс помаліс сизимөд класс да, гашкө, көсйө көть өти лун шойччыны! А, гашкө, оз во сьөлөм вылас тайө уджыс?! Мам со эжа кульө быд лун, вок — шофёр, Таня — картопель пуктө, а менө мыйла суюөны быдлаө? Қолхозыс метөг оз вермы овны ни өти лун ли мый?

Мам сьөкыда ышловзис:

— Ог төд, мыйла тэ, Питирим, сэтшөм дыш! Өти лун на агсасин-а...

— Дыш?— чуйми ме.— Мый тэ, мамө? Ме рад... көт лун и вой агсася.

Таня вильыша видзөдліс ме вылө руд синъяснас.

— Питирим — абу дыш,— петігмозыс шуис Володя.— Төрыт зэв бура агсасис...

Өдзөсө бритөм юрсө суйис ичөтик тушаа, сү мешөк кодь кыз Степан дядь, мамлөн вокыс, вөрөдыштис еджгов уснас:

— Он на доддяв вөвтө, Галя?

— Пырав, Степан! Аттө тайө морт! Век тэрмасьө... некор оз эшты.

Степан дядь пырис.

— Вайышт, сідзкө, ырөштө, Танюш.— Сійө чышкыштис дон плеш вывсьыс пөсьсө.— Сола чери сөйи да горш косьмө...

Көдзыд ырөш юөм бөрын Степан дядь мөдөдчис өдзөслань.

— Мунам, чойөй, мунам. Қадыс оз виччысь...

Мам петис сы бөрся.

Пель чунөдмөн гораа сярөбтис тракторлөн «пускач». Вынөн заводитис ургыны моторыс. Мам нюмъөвтөмөн өвтыштис миянлы кинас, и трактор муніс. Степан дядьлөн бритөм юрыс тыдаліс трактор додь вылысь.

Степан дядьөс ме радейта да частө ветлывла сы ордө. Бать менам абу: кык во сайын кулі. Мам шуө: войнадырся ранаясыс пө суйисны батьнымөс гуө.

Сөйыштөм бөрын ме ветлі конюшняө, босьті ассьым Каркоөс, мөдөдчи Ыджыд шор сайө.

Правление дорті мунігөн сувтовкери. Правление кильчө вылын тыдаліс седлө: зэв мичаник, кокньыдик. Дерт, тайө либө Сергей Ивановичлөн, председателльлөн, либө Володялөн. Но мыйла кильчө вылын?

Ме син бөжөн видзөдлі первой седлө вылө, сэсса правленийлөн осьса өшинь вылө, зіли гөгөрвоны: кодлы лөсьөдөма тайө седлөсө?

— Алло, аэропорт?— кыліс восьса өшиньсянь.— Тайё «Югыд туй» колхозса председатель Попов. Вот мый, төварыш: вай ыстылөй талун самолёт. Да, да, ваыс ямис, став баддыс эрд вылын. А? Да, да, веждөны. Буретш кад пызйыны... Да, пөжалуйста... Но, вот и бур...

«Кутшөм самолёт?— эг гөгөрво ме.— Кутшөм бадь?» Ышловзи: йёзыс со самолётъясөн лэбалёны, а ми вокысылы весиг прөстөй седлөыс абу.

Көсья нин вөлі лэччывны Карко вылысь да видзөдлыны седлөсө матысянджык, но өшиньөд мыччысис Сергей Ивановичлөн стрөг чужөмыс:

— Питирим! Здукөн лэбовтлы вокыд дорө. Висьтав сылы: ме сійөс виччыся...

— Седлөтөг ог вермы, Сергей Иванович...

Председатель нумъөвтөмөн видзөдліс ме вылө лөз синьяснас:

— Ок, и сюсь тэ! Седлөыс тайё төварыш Володялөн. Ассьыс юав.

Видзөдлі өтарө-мөдарө: Володя некөн оз тыдав. Ме скөрысь кучки вөвлы, рөдті горт дорө. Вок буретш ноксис машина дінас.

Ме шуи сылы:

— Сергей Иванович тшөктіс висьтавны: лэбовтлы пө Илля Вась дорө да висьтав сылы, гөрд нырлы, мый ме сійөс кык час виччыся. Оз кө пө лок пырысьтөм-пыр — юрсө орөда.

Вок чышкис рузумөн маслөөсь кисө.

— Ылөдчан, вокө. Сергей Иванович тадзи оз сёрнитлыв. Да и виччысьө менө сөмын на минут кызь.

Автомашина пуркнитіс лөз тшынөн да муніс. Ме чөскыдпырысь апышти бензин дуксө да рөдті Ыджыд шорлань. Но пилорама дорө бара на ковмис сувтлыны. Тани тэрмасьтөг уджаліс мамлөн тракторыс, а Степан дядь да нөшта морт-мөд сөвтісны трактор доддьө гөрбыльяс. Тани жө тыдаліс и Володя.

— Вжик-вжик-вжик!— дугдывтөг кыліс пилорама дорсянь. Пилитісны выль скөтнөй дворлы балкаяс, плакаяс, тьөс. Ме любөпырысь видзөді пилорама вылө. Кутшөм музвлытөм! Лунтыр кылан: вжик-вжик-вжик!

Видзөдны вөлі интереснө. Дерт, тані позис сулавны дырджык, но аддзи Володялысь көсөякодь видзөдлөмсө да лоис мунны.

Батьыс кодь жө ичөтик да кызіник Педөр, Степан дядьлөн пиыс, агсасис нин. Орчча му вылын тыдалісны йөз, вөвъяс: сәні пуктісны картупель. Здравойтчи нюмъялысь Педөркөд да тэрмасьтөг доддяси, заводиті агсасыны.

Луныс кутіс лоны жар. Менө заводитіс вугрөддыны, сійө и видзөд — вөв вывсьыд усян.

— Тпру!— горөді Карколы.

Вөв окотапырысь сувтіс. Ме нюжгөдчи эжа вылө. Вескыда кө висьтавыны, дышөдны сәсся кутіс агсасынытө. Педөрлы лөсьыд: вөлыслөн мышкыс гөн вольпась кодь небыд, а менам Карколөн — тьпу!— сёрнитнысө дыш. Пуксьылан вескыда и бокөн, бөрөн и водзөн, весиг водлан мыш вылад, но быд ног неладнө. Ме думайта, мый ёсьтөм майөг вылын пукавыны уна пөв лөсьыдджык. Дерт, агсасыны кө нөшта лун-мөд, сәсся велалан да лөсьыд лоө, но менам некутшөм окота эз вөв агсасыны гожөмбыд.

— Бара нин водін,— гажаа нюммуніс Педөр.

— Бара,— чукуыртчи ме. — Лөсьыд тэныд! Менам кытсюрө прамөя нин чөсөдө...

Педөр, юрсө чатөртөмөн, гораа серөктіс:

— Чөсөдан местасө колө жар пывсянын солөн зыртыны, сәки прөйдитас!

— Асьтө эськө колө совнас зыртыштны, мед он тількъяв,— вумыша шуи ме.

Педөр лэччис вөв вылысь, котөртліс турунла, сетіс сійөс вөвъяслы. Сәсся водіс жө.

— Тэ, Педөр, менө төвбыд пөръявлін: вот воссяс пө ва, кутам вуграсьны да кыснанасьны, Чукля вискысь пө став сирьяссө лэпталам. А мый артмис?

— Ветлам на!— збодера шыасис Педөр.

Ме ышловзьёмөн видзөдлі мөдлапөлө, көні югыдлөз рөмөн дзирдаліс Чукля вис. Сыкөд орччөн югьяліс ыджыдысь-ыджыд да кузьысь-кузь Сыөд ты, лөзов рөм-пөштан кодь. Тайө тысө важөн нин көсйысьөны лэдзны Эжваө, но век на мыйкө нюжөдчөны. Ме бергөдчи мыш вылө. Дивө кодь сөдз енэж вөлі югыд, сөстөм да вывті мича.

— Самолёт!— гораа юөртис Педөр.

Неылын, Вылыс йөрын, шумитіс мамлөн тракторыс, сы вөсна самолётлөн мотор шыыс эз кыв. Ме корси самолётсө синъясөн и, збыльысь, аддзи. Самолёт лэбис кытчөкө кывтыд. Ме колльөдышти сійөс синъяснам.

— Бергөдчө!— шензьёмөн кыпөдчис Педөр.

— Лётчикыс табаксө вунөдөма,— шмонитышти ме.

— Лэччө увланы!

Вөлі интереснө: оз-ө нин пуксыны көсйы? Круг вөчигмоз самолёт лэччис нөшта улө. Со нин сійө лэбө уліті-уліті мөдлапөвса видзьяс весьтөд.

— А-а!— радпырысь горөді ме.— Тайө самолётсө Сергей Иванович корис.



— Мыйла?— эз гөгөрво Педөр.

Самолёт визьнитис-лэбис видзьяс весьтти, кутис матыстчыны ыджыд ді дорё, коді пöшти ставнас тырöма бадь кустьясөн.

— Видзöd!— ме горöдi Педөрлы.

Самолёт улын друг мыччысис да кузя нюжаліс еджыдруд бöж, паськалöмөн лэччис муödзыс. Татшöм бöжөн самолёт лэбис ді помödз, сэсся бергödчис да мыйöнкö бара пызйис бадь кустьяссö.

— Яд киськалö,— гөгөрвоис Педөр.— Тöвнас нин та йылысь сёрнитлісны. Бадьсö вуж вылас косьтöны.

— А сэсся?

— А сэсся весаласны да видз лоö либö пöскöтина...

Меным дум вылö усины жö татшöм сяма сёрнияс: колö пö паськөдны пöскöтинаяс, бурмөдны видзьяс, лэптыны эжа. Сьöd ты косьтöм йылысь казьтылісны и...

— Шойчанныд?— кыліс Володялөн гөлөс.

Ме бергödчи. Бригадир локтöма верзьöмөн, видзödö ми вылö сералысь синьясөн. Ме любуйтчышти седлöнас, код вылын пукаліс бригадир, юалі:

— Седлö вылад небыд?

— Небыд,— нюммуніс Володя.



— Миянлы эськө эз жö мешайт седлöйс,— ышлов-
зи ме.

Менам кывъяслы тöдчанлун сеттöг бригадир индiс
кинас:

— Мусö агсалöм бöрын агасьяссö нуанныд эсийö гөр-
тöм му дорас.

— Седлötö миянлы он сет?— гөрдödömөн юали ме.

Володя бергöдчис, видзöдыштiс ми вылö, сэсся ыш-
ловзис да лэччис вöв вывсьыс:

— Нинöм он вöч... Ковмас, буракö, сетны...

Ми радлiм: седлö вылад лöсьыд лöö пукавны!

Бара заводитiм агсасыны.

Лун шөр кад матыстчигөн кутiс прамöя сюмавны кы-
нöм. Ме унаысь видзödлывлi то картофель пуктысьяс вы-
лö, то шондi вылö, кодi сувтiс енэж шöрас да, кажитчö,
дзикöдз вунöдчис водзö мунöм йылысь. Дырөн менам тер-
пениеöй быри, сувтöдi Каркоос. Педөр лэччис жö вöв вы-
лысь. Картофель пуктысьяс тожö сувтiсны. Кодсюрö
лэдзалисны вöвъяснысö. Ми лэдзалим жö вöвъясьнымöс да
рöдтiм Вылыс йөрö, көнi уджалiсны Педөрлөн батыс
да менам мамö.

Вылыс йöрын коркö вөлöма му, но сэсся сийöс эновт-
лöмаöсь, и со муыс эжсялöма, тырöма посни кыдзьясөн,
козьясөн, бадь кустьясөн. Öнi мам тракторөн кульö эжа-
сö. Со мурпигтырйи локтö вына машинаыс. Ми весьтö
воём бöрын трактор сувтiс. Мам нюмъялигтырйи видзöd-
лис миланьö, мыйкö горöдiс. Ми домыштiм вöвъясьнымöс
пуö, кайим кабинаö. Чужöмö öвтыштiс маслö да карасин
дука пöсь сынöд.

— Он на мун öбедайтнытö, мамö?

Мам видзöдлiс ме вылö мудзöм синъяснас да чыш-
кыштiс гожьялöм чужöм вывсьыс пöсьсö.

— Мунам силос гу дорöдзыс...

Трактор нетшыштчис водзлань.

— Вайлы гöрышта!— горöдi мамы пеляс.

Мам кыв шутөг вешйыштіс. Ме пункті киясөс рычагъяс вылө и пыр жө став тушанам кути кывны тракторлысь ыджыд вынсө. Ичөтик коз пуяс да посныдик коръяса кызьяс тэрыба локтісны паныд, швачкысялісны тракторө, тіралігтырйи водалісны гусеницаяс улө, а ыджыд лемех чашйис-косяліс эжа, век кежлө гуаліс найөс. Ме сюся видзөді, мед тракторлөн гусеница пöлыс оз кеж бөрөздаысь, и аслым кажитчи ыджыдөн да вынаөн. Силосной гу дорө воём бөрын сувтөді тракторсө. «Вот эськө та вылын уджавны!»— думышти да ышловзёмөн лэччи трактор вылысь.

Силос гу дорын сулаліс автомашина. Сергей Иванович да менам вок лэдзалісны машина вылысь цемент тыра бумажнөй мешөкъяс.

Сергей Ивановичлөн бледов чужөмыс гөрдөдыштөма.

— Тырмас сэсса,— кепкаөн векныдик чужөмас өвтігмоз заводитіс пöлясьны Сергей Иванович.

Силос гуысь мыгчысис Степан дядьлөн бритөм юрыс. Миянөс адзис да стрөгакодь вөрөдыштіс еджыд уснас:

— Ті мый гуляйтанныд?

— Кынөм сюмаліс, Степан дядь!— шуи ме.

Сергей Иванович юаланаа видзөдліс лөз синъяснас:

— Но, кызди, төварышъяс, кажитчө вөв вылын?

— Зэв лөсьыд,— шомаа нюммуни ме.

Педөр гораа серөктіс.

Мам ичөтөс моз малыштіс менө юрөд.

— Оз тай, тыдалө, ёна мудзны: төрыт шонді петтөдз мачөн ворсөмаось.

Сергей Иванович ошкөмөн шуис:

— Абу дышсь миян челядь, ёна отсасьоны. Агсасьоны со, картофель пунктöны. А гырысьджыкъясыс талун вуджисны мөдлапөлө видзьяс весавны.

— Сідзи и колө,— лөсасигмоз шуис Степан дядь.— Колхозын удж уна — быдөнлы тырмас.

— Уджыд, майбыр, эм,— мөвпалөмөн шуис Сергей Иванович.— Сьөд тысайса пөскөтинасө паськөдны колө.

Гырысь пуйс сәні абу нин, а сәтшөм-татшөмсö бульдозерөн весавны позьö. Бара тәныд удж, Антоновна...

Мам нюммунис.

— Сәсся Сьод ты колö лэдзны. Ты вöсна джын видзным некутчö туйтöм. Öнтай правлениеын Матвей Дарья шуö: зэв пö тай эськö бур, еропланъяс кораланныд, но тэ пö, председатель, эн жö вунöд Сьод тысö лэдзны. Ачыл кö пö эн кевлы сәтчö — мамыдлысь юав: сийö турун пуктигад уна гожöм уялис Сьод тыдорса вутшъяс костас, тöдö, кутшөмджык сәни...

— Тöдам, тöдам,— пöв тувъялигмоз шуис Степан дядь.— Уджавлим. Лэдзны колö тысö. Кадыс нюжмасынысö абу: он и казаявлы, турун пуктöмыд таяялас...

Ми кывзим сёрнисö да виччысим, кор мөдöдчасны гортö.

Коркö и Сергей Иванович пуксис кабинаö, корис:

— Пуксялöй, тöварышъяс! Мунамöй тшöтш...

Степан дядь тувъялис медбөръя корт тув да кайис гуысь.

— Эштис,— шуис сийö.— Öбед бöрас цементируйтам бокъяссö — и гöтов, сöмын силосуйт.

Степан дядь аслас ёртъяскöд кайис машина кузовö. Мам сәтчö жö пуксис. Миянлы эськö окота жö вöли тöвзыны машинаөн, но вöвъястö кузолас он кат. Машина гöгыльтчис сиктлань, а ми косим вöвъясла.

И друг ылисянь на аддзим: миян вöвъяс вылö пуксьöмабсь нывъяс да сералигтыр локтöны паныд.

— Кут!— Педөрлы горöдi ме да, сывъяс паськөдөмөн, потшим верзьöмаяслы туйсö.

Оля, сьод синъяса да коскөдзыс сьод көсаяса збой нывка, кодкөд ми таво öтлаын помалим сизимөд класс да öтлаын пырим комсомолö, серам сорөн юалис:

— Мый тiянлы колö, детинкаяс?

Ме ку пиö эг кут тёрны.

— Лэччöй вöвъяс вывсьыс!

— Питирим!— шыасис Таня, коді пукаліс Педөр вөв вылын.— Ті лунтыр нин вөв вылын пукалінныд, а ми бөрөздаөд подөн ветлөдлім, картопель пуктім.

— Ок, лоөма жө удж — картопель пуктөм! Вот тэ агсасыны видлы, сэжи казялан!

— Ёна тай!— сьөд синъяснас дзирдыштіс Оля.— Пукав вөв вылын да сьыв!

— Вай лэччөй вөв вывсьыс да сьылөй, мыйта колө,— зумыштчи ме.

— А ті пуксьөй тшөтш,— мыччыліс еджыд пиньяссө Оля.— Вөв вылас төрам.

Ми Педөркөд шөйөвошөмөн видзөдлім ёрта-ёрт вылө.
Педөр нюммуніс:

— Вай тадзи вөчамөй: тэ, Таня, пуксьы Оля дорө, а ми Питиримкөд Қарко вылө сөлам.

— Полөны,— серөктіс Оля.

— Ми полам?!— турыштчи ме.

Татшөм сёрни кылөм бөрын эг нин вермы терпитны, чеччышті аслам Қарко вылө да Оля мыш сайсянь босьті дом поводсө. Нывка бергөдчыліс да серөктіс. Ме гөрдөді. Зіли не видзөдны Олялөн кыз көсаяс вылө, кодьяс инмалісны менам морөсө. Воськыда кө висьтавыны, пукалі вөв вылын сідз, бытьө менө гөгөрбок көртавлөмаөсь.

Обед бөрын бара агсасим. Рытнас, удж помасьөм бөрын, мунім картопель пуктысьяс дінө. Найө дугдөмаөсь жө уджавны.

Володя мерайтіс мусө.

— Но, мый, геройяс?— мянөс аддзис да юаліс сійө.— Пукалан местаясыд зыртчисны?

Ме малышті кытсюрө да нинөм эг шу.

— Дышөдіс?— нюммуніс Володя.— Аски шөйччөй: агсаян уджыс сэсся абу на...

Ме кыпыда мигниті Педөрлы. Шонді петігөн шуим вуджны Чукля вис дорө.

Ок, и збойёсь сирьясыд Чукля вискын! Да өд гырысь-
ёсь! Пöжалан кö татшöм сирсыд черинянтö — мыйкö и
чепöльтыштны позьö.

Но быдöнлы сирыд ачыс нопъяд оз на кай: кыйнытö
колö кужны. Ме со шондi петöмсянь нин лэбала берег
пöлöныс öтарö-мöдарö, а юква вылö век на нинöм абу.
Öвтча-öвтча кыснанön, сэсся горöбтöмön шыбита мый
вынысь и, видзöда да, кыснаныд крукасьöма аслым гачö
либö лэбзьöма кытчöкö бадь йылö. Медбöрын ме сьö-
лышти, шыбитi дзугсьöм кыснанös, водi берөгö.

Недыр мысти воис Педöр, сүйлис шондi кодь гöпрös
чужöмсö менам ведраö, юалис:

— Питирим, тэ гортсыд треска эн вай?

— Трес-ска?! Мыйла?

— Пунытö öд мыйкö ковмас!

Ме сьökыда ышловзи.

— Нинöм,— бурöдис менö Педöр.— Кыснанön кö он
куж, ме тэнö велöда куш кинад тшакös моз öктыны
сирьяссö.

Ме, дерт, эг эскы.

— Мунам Сьöd ты дорö, сэнi петкöдла,— ошйысис
Педöр.

Мöдöдчим. Ичötик да кызiник Педöр мач моз гö-
гыльтчис водзын, ме — сы бöрся.

Со и Сьöd ты: кузь, помыс öдва тыдалö. Веркösыс
тылön дзирдалö.

— Вай петкöдлы, кыззи тэ сирьяссö тшакös моз öк-
тан,— шуи ме.

— Мöдар помас колö мунны,— юрнас гогнитис Педöр.

Ты öтар-мöдарыс вутшкösь, няйт. Меным эз вöv око-
та кыссыны ты мöдар помöдзыс и кыпöдi шум:

— Таладорас нö сирьясыс посьныдджыкösь?

— Сэнi эм ичötик ты, кодi быд во косьмывлö. Сэтчö
колö мунны.

Вутшъяс дэöрисны да вежнясисны быдсяма ногыс. Ми, кизьöр няйтас гоз-мöдысь шнëпкысьлöм бöрын, мöдöдчим вутшъяс косттыс. Ты помас воим да кос места некоднанымлөн эз вöв. Весиг кепкаясьнымöс ковмис пыдзравны. Гачъяс йывсьыд сёрнитны нинöм: няйт сор-нас сибдöмаöсь кок берданым.

— Коді мяняöс кыскалö татшöм местаястыс?— вид-чи ме.

— Тысö лэдзасны да кос лоö,— шуис Педöр да заводитис пöрччысьны:— Пожъялам дöрöм-гачнымöс, öшлам косьтыны, и кутам шыблавны берегö сиръястö. Мешö-кыд эм?

Сьöлöм бурмытöдз пожъясим да пыдзрасим. Сэсся Педöр усыкöдчис ичöтик тыö. Ме вöтчи сы бöрся.

Тыпыдöсса няйтас сибдалігтырйи, тэрмасьтöг, мунім тысö кузяла и вомөн. Ваыс гудыртчис: ты пыдöсысь ка-йис няйтыс.

Медся джуджыдінас ваыс вöлі пидзöсöдз кымын. За-водитім горзігтырйи келавны, бузöдчыны, чеччавны быд ногыс: вілим ёнджыка гудыртны васö.

Сэсся сувтім да пошкигтырйи кутім виччысьны, кор сирьяс мыччасны юрнысö ва веркöсö.

— Со, со!— шöпнитис Педöр.— Қватит!

Ме видзöдлі. Дзик берег дорас öти сирпи мыччöма юрсö да видзöдö ми вылö. Вот, думайтö көнкö, пеж ловъя-сыд мый вöчионы!

Ме гусьöник нюжöді киöс да акнитöмөн кватиті, но сирпи тюльскысис-пырис ваö. Ме шамырті сöмын гудыр васö.

— Эк, и кияс жö тэнад, вокö!— юрсö докйöдлöмөн ди-витис Педöр.— Қокöс кö нюжöдлі — бурджыка эськö куті.

— А тэ кут, кут!— дözми ме.— Со тай кокъяс костад нин пырöма!

Педöр тэрыба копыртчис и — тшап!— долыдпырысь горöбтöмөн кыпöдіс неыджыд сирпи, но нильöг чериыд песовтчис, быттö макнитис бöжнас, да уси ваö.



— Но и кияс тэнад, вокö!— серöкті ме.— Вомнад, вомнад видлы! Гашкö, унджык кыян.

Посни сирпияслөн юръяс тыдалісны сэнi и тані, но кутавны эг вермöй: китö нюжöдны на заводитан, а найö сунгысьöны нин ва пытшкö.

— Вай нöшта гудыртышт васö,— шуис Педöр,— мед сукджык лоö, а ме сак лöсьöда: нопйö важ тыв кусök пуктылі.

Сакнад делöыс кутіс мунны зэв бура: Педöр гумлаліс сирпьянöс, а ме пукалі берегын да видзöді.

Кило мында чери öктöм бöрын ми пасьтасим да бöр мөдöдчим Чукля вис дорö. Бара ковмис кевны вутшъяс костті, но öні сьöлөм вылын вöлі долыд. Окота лои весиг сьылыштны.

Сьöд ты помын вöлі нейджыд мыльк, коді торйöдіс тысö Чукля вискысь. Тані, кос да лöсьыд местаас, ми шум пуны чöскыд юква.

Пöрт мяян эз вöв, сы вöсна юквасö ковмис пуны ведраын.

Недыр мысти юква пузис. Босьтім би вылысь ведрасö, пуксим öтар-мөдарас.

— Вот тайö бур!—мыш сайсянь друг кыліс радпырысь горöдөм.

Бипур дорё матыстчис спортивнõй костюма Володя. Синъяссõ чõвтлїс ведраõ, ки пыдõсъяссõ ниртїгтырїи, долыда шуалїс:

— Вот õнї ми сёйыштам!

— Кодї сёяс, кодї и оз,— серõктї ме.

— Тэ õмõй он кут сёйны?— шензыштїс Володя, сес-ся кузя нюжмасьтõг пуксис, матыстїс ас дорас юква тыра ведранымõс, кыскис питшõгсьыс тупõсь нянь да босьтїс менсьым паньõс:

— А нолтõ, кутшõмджык?

Кымыныськõ тэрыба паньыштїс, юрнас довкїõдлõмõн ошкис:

— Бур, сõмын дубджык неуна...— И заводитїс зїля панясьны. Ми вомнымõс паськõдõмõн видзõдїм сы вылõ.

— Сергей Иванович!— ведра дорысь здук кежлõ тор-йõдчылõмõн горõдїс Володя.— Лок юква сёям да вõлись нин мерайтчам!

Кустъяс сайысь петїс Сергей Иванович, веськõдчис миянлань. Менам кõдзали мышкõй: «Паньыштны оз сюрлы!»

— Да тї сёйõй, сёйõй, челядь, эн яндысьõй,— лемыд-руд синъяснас гажая мигнитїс миянлы Володя.— Юквасы зэв чõскыд.

Педõр видзõдлїс ме вылõ, юрсõ чатõртõмõн гораа серõктїс да заводитїс панясьны.

«Нинõм оз коль!»— повзи ме да тэрыба ырситї юквасõ, но пыр жõ, вомõ кутчысьõмõн, ымõстї: юквасы вõлõма вывтї пõсь.

— Тэ мый, Володя, челядьсõ õбїжайтан? Тадзи оз позь...

— Найõ асьныс корисны. Вывтї пõ уна пуим юквасõ да ог тõдõй, кытчõ воштыны,— нюмъялїгтыр висьталїс Володя и бара гажая мигнитїс миянлы:— Сїдз õд, пиян?

— Сїдз,— дышпырысь сõгласитчи ме.

Сергей Иванович кыскис сумкасьыс лук, шырис юквayo. Сесся заводитїс тэрмасьтõг панясьны.

Сейим ставон зэв азыма — ведра джын юквасыд каньлы нюльштмөн эз коль. Тырмис ставнымлы. Менам полөмөй лоис весь.

— А черисө?— индїс газет вылө лэпталөм сирьяслань Володя.— Ракаяслы?

Ракаясөс вердөм вылө ме эг вермы сөгласитчыны. Қовмис бара на матыстчывны сирьяс дорад, көть эськө кынөмөй и доймө нин вөлі.

Сейөм бөрын Педөр лэччис вис дорө мысыкавны ведра да паньяс, гырысьяс өзтісны папироскаяс.

— Но, мый кутам вөчны, Володя?— Съөд ты вылө видзөдігмоз төждысьөмөн юалис Сергей Иванович.

«Съөд ты лэдзны көсйөны»,— гөгөрвои ме.

Володя ышловзис:

— Ог төд, машинаясөн татчө юн сибав.

— Но лэдзны тысө көть кызди да ковмас!— тапнитис муас Сергей Иванович.— Тадзи колны оз позь.

— Турун пуктігөн йөзыс коскөдз ваын уялөны,— сөгласитчис Володя.— Турун юрьяс кыскалігад унаысь уэвтласны вутшьяс костас. Мучитчөм, а абу удж.

— Да, лэдзны колө тысө, бергөдны вутшьяс, керавны кустьяс. Вөчны настящөй видз, мед машинаясөн позис уджавны.

— Но, а йөзсө кытысь босьтан, Сергей Иванович?

— Думыштлыны колө. Гашкө, ковмас морт-мөдөс босьтны скөтнөй двор стрөитанінысь да силоснөй гуяс кодъянінысь.

Володя думыштчис.

Ме лэччи Педөр дорө.

— Прөщайтчы аслад тыкөд: лэдзны көсйөны.

Педөр видзөдліс ме вылө:

— Тысө лэдзигөн нин прөщайтчам.

— Он-ө нин тэ кодйысьны думайт?— шензьөмөн юали ме.

— А мый?

— Сідз тэнө и лэдзасны!

— Лэдзасны!— уверениһә нюммунис Педөр.— Метөг тәни нинөм оз артмы.

Ме видзөдлі Педөрлөн ичөтик, кызіник туша былө, ышловзи:

— Оз босытны тәнө, коньөрөй. Кодлы тә колан, тшак судта муртыд?

Педөр эз өбидитчы:

— Оз кө босытны, ачым локта, сувта да кута кодйысыны.

Ме пасыкөді вомөс, некыдз эг гөгөрво Педөрөс: ме эсыкө эг кут кодйысынытө.

Қайим мылык былө.

— Кык метр,— кыскис ваысь зіб да шуис Сергей Иванович.— Джуджыдджык местаяс эмөсь?

— Эмөсь, дерт. Но тысө кө лэдзан, найө асыныс кось-масны.

— Мый нө! Сідзкө аски заводит кодйысыны,— видзөдліс Володя былө Сергей Иванович.

Володя здук кежлө шөйөвошліс:

— Аски? А йөзыс?

— Аддзан! Думыштлы бурджыка да аддзан.

Местасө видлаліпмоз Сергей Иванович лэччис вис дорө. Володя зумыштчис. Ми чөв олім.

— Йөзыс гөрөны-көдзөны, стрөитчөны,— скөра видзөдліс мян былө Володя.— Қытысь ме босыта йөзсө?

— А ми ог вермөй кодйыны рөвсө?— друг юалис Педөр.

Володя видзөдліс сы былө:

— Ті?!

— А мый?— лэптис юрсө Педөр.

Володя юреяныс кок улөдзыс синнас мерайтис Педөрөс, сәсся пуктіс кисө Педөрлы сыылі вылас, личкыштіс увлань да Педөрысь кокныдыка вөчис мегыр.

— Паньтө кутны на он вермөй, гашкө, мамныд паньөдө, а — кодйысыны,— серөктіс Володя, но сәсся мыйкө

друг думыштис.— А збыльысь? Гашкө, ти, чөртпиян, тысө лэданныд?

— Коді нө сэсся?— долыда дзирдыштисны Педөрлөн руд синъясыс.

Ме нинөм эг шу. Мыйла суйсыны?

Володя гыжйыштис юр бөрсө да лэччис председатель дорө. Найө сёрнитигтырийи мунисны вис пөлөн.

3

Бригадир да председатель мунөм бөрын ми дыркодь на кыйим чери. Меным лөшти нинөм эз шед, косясьлөм сапөг пөв кындзи, кодөс ме крукышти берег дорсьыс.

Ковмис юкны Педөрлысь черисө. Менам пай вылө воис кило джынъя сир. Ме, дерт, босьти. Абу мича өткажитчыны дай Педөрлы кокниджык лоө гортас муннысө.

Шондыс улын нин вөлі, кор ми воим сиктө.

Керка дорө воигөн паныдасис Володя да висьталіс: өкмыс чассянь лоө комсомольскөй собрание. Сёрни лоас Сьод ты лэдзөм йылысь.

Ме чуқыртчи: «Чөртыс кыскис кывйөдыс Педөрөс. Оні, дыш көть абу, ковмас мунны кодйысьны. Эк!..»

Пыри гортө. Таня котөртис меным паныд:

— Питирим, аски Сьод ты лэдзны!

Руд синъясыс чойлөн дзирдалөны, а гөгрөсіник, не-уна гожьялыштөм чужөмыс алөймөма.

— Мый вылө тэ радлан?— дөзмөмөн юалі ме.

— Кыдзи нө! Сэтшөм ыджыд удж кутам вөчны!

— Тэ вуджны жө көсьян?— чой вылө эскытөг видзөд-лі ме.

— Дерт, вуджа,— тшапа пыркнитчис Таня.— Ог али мый вермөй кодйысьнысө.

— Паньөн тасьтысьс кодъянныд,— нурбыльті ме.

— Эн ышнясь,— дөзмис чой.— Сёян пуны ковмас, и йөрманныд.

Ме синкым увті букыша видзөді Таня вылө. Сійö пыркнитіс кудриа юрсинас:

— Миянөс Володя индіс нин бадь кыскавны.

— Ещö мый оз думыштлыны,— век на дузьялі ме.

Чой өз öвсы:

— Оля тшөтш вуджө и Юра вокыс тожө,— водзө висьталіс Таня.

— Но и мый?

— Нинөм,— нырсө көрліс чой.— Гашкө, Юраөс бригадирөн индасны. Сійö сэтшөм төлка да шань и ті дорысь ыджыдджык.

— Но и вудж аслад Юраыдкөд, да носөвикьяс унджык босьт,— чой вылө дөзми ме.

— Мыйла?— чуймис Таня.

— Синватө чышкавны: му кодйөмыд өд абу картупель пуктөм.

Таня лап-лапкерис синъяснас да рама шуис:

— Эн ышнясь!

— Эк, Педөр! Педөр!— ышлолалі ме собрание вылын Педөркөд орччөн пукалігөн.— Сиралін тэ ставнымлысь юрнымөс.

— Радлыны колө, а не бөрдны,— гораа шөпкис Педөр. Аслас чужөмыс долыд, быттьө пыралөма гөбөчас да мамсыс гусьөн кашниксыс нөк чунялөма.

— Кыдзи тэныд абу дыш?— шензи ме.

Ми водзвылын пукалысь Юра бергөдіс мелань векныдык чужөмсө да югнитіс сьөд синъяснас:

— А тэныд дыш?

Ме нинөм эг шу. Юракөд весьшөрө вензыны: сійö меысь ыджыдджык тушаөн и арлыдөн. Помаліс өкмысөд класс и зэв серьёзной: нюмъөвтливлө сөмын гырысь празникьясө. Та вөсна ме пола сыысь.

— Удж лоө сьөкыд, шонді кутас пөжны, жар лоө, юрныд висьны кутас, но тайө, ёртъяс, бур: закалитчаньыд,— сёрнитіс Володя, миян комсомольскөй секретарным.— Сэссия косныд кутас висьны, киясаныд гадьяс песанныд,

но тайб, ёртъяс, зэв жё бур: он кутёй повны некутшом уджысь. Дерт, делёйс добровольной.

Володялысь сёрнисё сюся кывзисны.

— Коді көсйё сёрнитны?

Медся первой кыпөдчис Юра.

— Меным кажитчө: уна сёрнитны нинём. Быд комсомолец төждысьё рөднөй колхоз вёсна. Ме ногон, колө өнй жө вөчны список Съод ты дорө мунны окотитысьяслысь.

— Правильнө! Гижалөй!

Володя мыччис Юралы бумага лист да карандаш:

— Гижав. Медводз асьтө и гиж.

Юра гижис да кыпөдис юрсө.

— Коді нөшта?

Володя сувтис да лэптис кисө:— Вот мый, ёртъяс: кодй кутшөмкө помка вёсна оз вермы мунны — висьталөй өнй жө танй. Висьысьяс абуөсь?

Ме тэрмасьёмөн малышти ачымөс өтилатй, мөдлатй. Кывзысьышти: оз-ө кыткө юкав либө ёнты. Көсья нин вөли горөдны нор гөлөсөн: мися, кынөмөс коймөд лун орлалө, но видзөдлй Педөр вылө да эг горөд.

— Но, кодй көсйё мунны Съод ты дорө?— мөдысь юалис Юра. Пызан дорө гөгыльтчис Педөр:

— Гиж менө.

— Тэнө?— синъяссө лэптис Юра.— Мый тэ сөни куган вөчны? Мешайтчыны?

Юра бергөдчис Володялань:

— Меным кажитчө, Педөрөс нинөмла пижны: зэв нин ичөтик.

Ме скөрми да горөди:

— Гашкө, Педөрыс тэысь унджык пөльзасө ваяс!

— Тэнө оз юавны,— топөдис вөсныдик паръяссө

Юра. Володя нюмъөвтис, мигнитис Педөрлы.

— Мый тэ, Юра! Педөртөг делө оз артмы. Гиж, гиж...

Пызан дорө тэрмасьтөг матыстчис ыджыд тушаа Ваня да кыз гөлөснас букөстис:

— Гиж...

Ваня том на, таво мекөд өтлаын помаліс сизимөд класс, но выныс сылөн — ой-ой-ой! Көть мый киас оз босьт, пыдыртас да ва петө.

— Гиж, Юрик, менө!— места вывсыньыс горөдіс Оля.

Юра көдзыда видзөдліс чойыс вылө:

— Нывкаяслы сәні нинөм вөчны...

— Зон жө лоөма! Гиж!

— Менө тшөтш гижөй,— шыасис Таня да гөрөдіс.

Окотитісны вуджны мөдлапөлө нөшта вит-квайт ныв. На пиысь сөмын Оля да Таня вөліны комсомолкаяс. Юра зумыштчыліс, но гижалис и нывъясөс. Ме думышти: «Мый морла нывкаяссө чукөртөны? Кутасны няргыны: то жар, то көдзыд. То юрныс висьө, то мудзөмаөсь...»

Чукөрмис комын морт. Гижисны, дерт, и менө, көть ме и эг сюйсы.

— Бур. Зэв бур. Вывті бур,— ниртіс кияссө Володя.— Сэссия колө бөрйыны бригадирөс.

— Юраөс бригадирнас!

— Ваняөс!

— Юралөн арлыдыс ыджыдджык!

Бригадирөн бөрйим Юраөс. Веськыда кө шуны, выль бригадир меным эз ёна кажитчы: зэв нин стрөга да көдзыда видзөдө сьөд синъяснас, быттьө кокыштны кыйөдө. Но йөзыслы кө кажитчө, ме, дерт, өтнам ог кут кайны стенө. Меным нө мый? Ветла йөзыскөд, видзөдла, кыз и мый, да, гашкө, и бөр локта портө. Но, дерт, көрт зыр босьтла. Көрт зыртөгьд абу лөсьыд: Педөр коддьөм нюмъявны кутасны. Собрание бөрын ышлолалігтырйи довпи пес видзан сарайө. Аддзи сөмын өти көрт зыр.

— Мөд колө,— шус Таня.

— Öтиыс тырмас,— көсөйтчылі ме.

— Кызди «тырмас»?— ыдждөдіс руд синъяссө Таня.— А меным?

— Со босьт. Тайө тэныд и эм,— мыччи ме көрт зырсө.

— А тэныд?

— Ме и көрт зыртөг зэв бура верма кодйысьны,— бокө видзөдігмоз шуи ме.

— Ага,— вильыша видзөдліс ме вылө чой.— Ныр пытшкөстө чуьнад кодйыны, сідз өд?

Ме скөракодь видзөдлі Таня вылө. Ковмис ветлыны магазинө да ньобны виль көрт зыр. Муртса вевъялі пуавны, воис Педөр.

— Ветлам көрт зыръяс төчитны!

— Коді нө көрт зыръяс төчитывлө?— шензи ме, но вензыны эг кут — муні.

Төчитім, видлі — збыльысь бурджыка пырө муас.

Мөд лунас комын морта бригада ызгис нин правление дорын. Быдөн босьтөмаось көрт зыр, сёянтор: коді чышьяно гаровтөма, коді сумкаө сюйөма, коді зептас, а Педөр ноийө сюялөма. Ме видзөді-видзөді Педөр вылө да гораа серөкті:

— Тэ, Педөр, талун дзик черань кодь: ачюд ичөтик, а ноийыд турун нөб ыджда.

Педөр нюммуни:

— А ме өд муна да сэссия ог и волы, кытчөдз рөвыс оз кодйысьсы. Сийөн и запассө уна босьті.

— О-о! Оз дышөд?

— Оз!

Правление дорө тэрмасьомөн локтіс Степан дядь, скөрысь мыгчис Педөрлы чер:

— Чертөг мөдөдчөмыд, уджалысь!

Володя сувтөдіс мяянөс радөн да кутіс видзөдавны, коді кыдзи мөдөдчөма. Унаөс ыстыліс гортас: коді көмкот, коді сёянторсө вунөдөма, коді куш дөрөм жежсьыс мөдөдчөма удж вылө. Қор бөр чукөрмим ставным — мөдөдчим ва дорө. Ваня паськөдіс гудөксө. Сынөдын ырөбіс гажа сыланкыв.

Вуджим Эжва. Воим Сьод ты дорө.

Ме видзөдлі ты вылө. Паськыд да кузь веркөсыс сылөн вөлі лөнь. Эз веритсьы, мый та ыджда тысь некымын лун мысти кольө сөмын ыджыд няйт гуран.



— Нда-а,— качайтышти ме юрөн.— Эстшөм тысö лэдзнытö — ой-ой-ой, кывтö нюжөдтөдз ковмас код-йысьны.

Юра бергөдчис:

— А тэ эн няргы! Меным кажитчö, ми эг няргыны локтöй татчö.

Ме гөгрөстi синъясöс:

— Но-о? А ме думайтi, няргыны локтiм...

— Тэнад, Питирим, кывйыд, меным кажитчö, вывтi кузы!

— Но-о? А ме думайтi, мися, дженьыдджык на неуна...

Челядь сералисны. Юра топөдiс вöсни парьясö — скöрмис. А Педөр бергөдiс мелань гажа чужöмсö:

— Да мый тэ, Питирим! Этайö тысö лэдзны кывйыд нюжалас? Да ме жö зськö том дырйи...

— Видзөдлам, удж вылас кутшөмджык лоан,— кöдзыда өрөдiс Юра да гораа шыасис челядь дiнö:

— Босьталöй кöрт зырьяснытö. Петкөдлам асланым колхозлы, кызди ми вермам уджавны!

Ми сувталiм рöv местаö да заводитiм кульны эжа. Водзтi ме кодйивлi мутö сöмын картофель босьтiгөн, дай сöмын сэк, кор мам гоз-мөдысь тапнитльивлiс мышкам, и, веськыда кö висьтавны, эжа кульöмыд меным эз ёна во сьөлөм вылө. Тувкөдан, тувкөдан кöрт зырнад, пöсьыд

киссё, а эжа пластыд оз и думайт шедны. Видзёдлі ёртъяс вылө — ставыс орьёдлөны эжасё, сз кольччы йёзсыыс и Оля, дай чойёй менам пёсялөма нин. Зэв сёлөмсяньыс заводитліс кодйыны и Юра, но босьтчис вывті крута да чегис көрт зыр пусё. Оні со довъялө отарө-мөдарө, сеталө мянлы индөдъяс да трачкөдчө «Любитель-өн». Көрт зыр пуыс ратшмунлі и Ванялөн, но сійө пыр жө шедөдіс пусё, ёсьтис да бөр суюис.

Шонді ньөжйөнник кавшасис енэж шөрлань. Сідз нин вөлі шоныд, а оні лои сэтшөм жар, мый чужөмыд дась потны.

Көрт зырийөн вөдитчөмысь ки пыдөсьяс гөрдөдісны да кутисны сотчыны, быттьө кодкө жалиттөг ниртис найёс двимбырөн.

Ме сатшки көрт зырийёс, пөлялышти доналөм ки пыдөсьясё, чышкышти чужөм вылысь да сьылысь пөсьсё, сэсся горөді:

— «Куритчөй», челядь!

Юра көсөйтчис:

— Меным кажитчө, тані эм бригадир!

— Позьё шойччыштны, бригадир?

— Позьё,— кыз гөлөснас нюжөдіс Ваня да муё сатшкис көрт зырсё. Майкаыс сьлөн вөлі ставнас ва.

Шойччөм пыдди ми тэрмасьөмөн шыблалім дөрөм-гач да бузгысим вискө. Дыр эськө солькөдчим ваад, но бригадирным эз узь. Сійө первойөн петис берөгө, пасьтасис да гораа шуис:— Меным кажитчө, тырмас бультікасьны! Он и казьявлы,— луныс прөйдитас, а мян пөшти нинөм на абу вөчөма.

Челядь бара заводитисны кодйысьны. Сөмын ме сулалі, киясөс гач зепъясё сюялөмөн, да, син пөлөс читкыртөмөн, видзөді Юра вылө, коді ветлөдліс оти дінсянь мөд дінө да велөдіс. «Мыйла ачыс оз уджав?— думайті ме.— Мыйла оз вылысь пуав көрт зырсё?»

Юралөн гөлөсыс кыліс то сәні, то тані.

— Кинытö, кинытö, челядь, эн дуллялöй: гадьяс пессаньд!— кылö, горзис сийö кодъяслыкö, а сэсса локтис да сувтис Педөр динö:

— Тэ, Педөр, ылöджык шыблав мутö. Джуджыда öд ковмас кодйыны. Матö шыблалан — бөр кутас кишсыны.

— А тэ нö мыйла он уджав?— ме динö воис Юра.

— Виччыся, кор тэ заводитан,— син пöлöс читкыр-ти ме.

— Менам жö көрт зыр пуыс чеги!— пельпомьяссö лэптыштлис Юра.

— Менсыым босытлы...

— А тэ?— шензяна синъяссөн ме ылö видзöдлис Юра.

— Видзöдны кута,— нюммуни ме.

Юра öти здук чöv олыштис, сэсса окöрысь шуис:

— Дыш кө тэныд, сідзи и висытав.

— А тэныд кө окота, мыйла он кодйысь?

Челядь кутисны видзöдлывлыны ми ылö, кодсюрö весиг дугдисны кодйысьны.

— А мыйла, збылысь, оз уджав Юраыс?— шыасис кодкö.

Юра лöглунөн тырём синъяссö сувтöдис ме ылö да кызкö торъя тöдчöдöмөн шуис:— Меным кажитчö, бурджык лö, бурөн кө тэ весаян татысь.

— Меным и тані зэв шоныд,— шуи ме да шутыляліг-тырйи муни Ваня дорö. Пöсялөм да гөрдөдөм Ваня веськөдчис, морөснас пыкисис көрт зыр вороп помö да пыдисянь лольштис:

— Мый нö?

— Вайлы чертö.

— Би дорас,— юрнас гогнитис Ваня.

— Юралөн көрт зыр пуыс чегöма да лöсьöдны кöсья,— гораа висыталі ме.

Ваня мөвпалөмөн видзöдлис жарöй синъяснас Юра ылö, коді мыйкö стрöга висыталис нюмьялысь Педөрлы, сэсса бара зиля заводитис шыблавны мусö. А ме шедöдi

Юра көрт зырйысь чегөм пусө, лөсышти, бөр суйи, тувъ-ялі да зырсө мыччи Юралы.

— Вот и бур. Аттьө,— көдзыда нурбыльтіс Юра, копыртчыштіс да некымынысь кодйыштіс, но друг пуыс бара ратшмуні.

— Но и вын Юралөн!— шензъышті ме.

— Пуыс сісь,— некод вылө видзөдтөг шуис Юра. Оля зэв серьёзнöя, нюмъявтөг видзөдіс вокыс вылө, а Юра шыбитіс көрт зырсө да бергөдчис сылань мышкөн. Оля шөйөвошөмөн видзөдліс ёртъяс вылас, сэсся тэрыба матыстчис вокыс дінө:

— Меным яндзим, Юрка!— пөся шөпкөдіс Оля.— Яндзим тэ вөсна!

— Меным дзик веськодь, яндзим тэныд, али абу,— джын гөлөсөн шуис Юра.— Колө кө — уджав, ме тэнө ог кут...

Олялөн сьод синъясыс дзирдыштісны, öзйисны скөр-лунөн:

— Тэ мун, мун гортө! Мун да вод паччөрө, куйлы!— горөдіс ныв.

— Ме — бригадир и некыз ог вермы мунны,— тшапа шуис Юра.

— Бригадир!— нерөмөн нюжөдіс Оля.— Оз ков миян тэ кодь бригадирьд! Тэ думайтан, дыр кутам видзөдны мича чужөм вылад?

— Мен кажитчө, тэ нарошнө панін тайө сёрнисө, мед ылөдчыштни уджсьыс,— пөлөстіс юрсө Юра. Оля чуймө-мөн паськөдіс вомсө. Синъяснас лапйөдлігтыр Юра вылө дыр видеөдіс Таня.

Ме нөшта өтчыд пуалі Юралысь көрт зырсө да нюмъялігтырйи мыччи:

— Нолтө, нөшта заводитлы кодйысьны, а ме видзөдла...

— Видзөдлан?— пузис Юра.— Мый тэ видзөдлан, зырымбедь? Индалысь воис! Видзчысь, мед пув ваыд ныр-сьыд оз киссы!

Юра сетыштис көрт зырийон мырийо, көрт зыр пу чеги.
— Оге!— шуи ме да топоди кабырьясос.— А ассыд пув вато оз ков неуна лэдзыштны?

Юра ёрчыштөмөн уськөдчис ме выло. Оля ошөдчис сылы киас. Крута веськөдчис Ваня да горөдис:— Эй, ти! Рөвысь тэрыба кайис Педөр да зэв збылысь пуджис сосьяссө:

— Сөмын вөрзөдлы Питиримос — став сювто сой гө-гөр гарта!

Рөвысь кайисны став челядь.

— Мыйла он уджав?— юалисны Юралысь.— Мыйла татчө локтин?

Юра шөйөвошөмөн бергөдлис юрсө отарө-мөдарө, синъясыс ьдждисны, чужөмыс кельдөдис.

— Да мый ти ме выло уськөдчинныд? Меным кажитчө, эг ме вайөд татчө тиянос кодйысьнысө!

— Абу сылн делөыс!— отпырийо горөдисны некымынөн.— Асьным локтим. А вот тэ мыйла он уджав?

— Мыйсяма барин?

— Бригадир тожө!

— Чөрту татшөм бригадиртө!

— Ваняос бөрьям!

— Правильно, Ваняос! Қоди Ваня вөсна?

Отгшөтш лыбис кызь өкмыс ки. Вок вылас синкым увсянь видзөдигтыр лэптис кисө и Оля.

— А тэ, кузь туша, либө уджав, либө весась татысы!

Юра курчис вөсньыдик парсө да вешйис бокө. Ми заводитим кодйысьны. Юра, гач зептас кияссө суйөмөн, сулалис да видзөдис.

— А мый, другьяс, ог-ө суйлө ми эсийө столбсө тыас?— инди ме Юра выло.— А то пола: луныс жар да весь олигад тшыкө мортыс, дук кутас петны...

Ме кыскышти нырөн сынөдсө да содти:— Со кутшөмкө лёк дук сысянь өвтө нин!

Челядь серөктисны. Юра лөгпырысь видзөдлис ме выло да лэччис вис дорө.

Рыт кежлө рөвсө кодйим пöшти метр судта. Ставным мудзим, эг мунöй весиг гортаным. Юралы, дерт, окота вöлi вуджны, но öтнад эсы ыжда пыжнад он вудж. Пыжыс абу пыж, а баржа, трактор позьö вуджодны. Ми пестим бипур. Нывъяс босьтчисны дасьтыны ужын. Педөр лэччис вис дорö. Ме вöтчи сы бöрся. «Бригадир» мяян шöйтiс берег дорын öбедсянныс нин: пышйис ми дорысь.

— Мыйкö дэбöдö оз?— юалi ме.

Юра эз вочавидз. Педөр сюйлiс нырсö Юралөн ведраö да нюммунiс: ведра пыдöсын куйлiс дзик öти йöрш. Педөр нюмъялигтырйи чöвтiс вугырсö да здук-мöд мысти лэптiс кепысь пöv ыжда ёкыш.

— Юрий, эй, Юрий!— кылiс нöрыс сайсянь чукöстöm.— Вайлы нидзувъястö: танi пес плакаяс кодь сынъяс шедалöны!

Педөр эскытöг нюмъөвтiс, а Юра босьтiс нидзув банкасö да саялi кустъяс сайö. Меным окота жö лои лэптаваны пес плакаяс кодь сынъястö, и мöдöдчи Юра бöрся. Но Юра дорöдз эг во: аддзи мичакодь места, кöнi, ме чайтöm серти, сулалiсны да виччысисны менö гырысь сынъяс.

— Пуксы вай,— кылiс куст сайсянь.— Уджаланнды, э?

Ме гөлös сертиыс тöдi Семенös, кодi унджык кадсö кыйис чери, тöргуйтiс сийөн да юис.

— Уджалам,— вочавидзис Юра.

— Тысö кöсьянный лэдзны, э?

— Кöсьям...

— Чериа тыс,— висьталiс Семен.— Коркö, турун ытшикiгөн, ме локтi ва юны. Водi берег дорас, öшöдчи морöснам кутшöмкö нитшсялöм кер вылö да и юа. Сэсся друг кыла: керйыд вешйыны кутiс. Ме звирк чеччи: мый нö, думайта, эстшöмыс? Видзöда — керйыд ньöжйөнник бергöдчис да кутiс кывтны шöрлань. Ме муртса садьтöг

эг усь: сир өд вөлөма! Но, лешакө! Мышкыс нитшсялө-
ма — кер, кер и эм.

— А мыйла нө тыас некод оз кыйсы?

— Лөптөн тырөма — зіб некытчө суйны. Да сэсса
этшаон и төдөны, мый тани сы мында чери. Гычьяс
эмось — пач пөдан пасьтаось...

Чөв олыштісны.

Сэсса Семен бара шыасис:

— А тэнад нө бокад кутшөм банка бовъялө?

— Фотоаппарат...

— О-о, ме думайті — нидзув банка.

Ме муртса куті серамөс.

Семен сьөкыда ышловзис:

— Эк, Юрий, Юрий, татшөм өмөй фотоаппаратыс?

— А мый?

— Шыбит тэ сійөс. Ньөб настоящөйөс, мед любө вөлі
видзөдлынысө. Ньөб увеличитель. Во!

Юра ышловзис да, колө чайтны, нылыштіс дульсө.

— Да, эськө...

— А мый сайын нө делөыс, э?

— Сьөмтөгыд он ньөб!

— Хм,— думыштчис Семен,— сьөмыд, дерт, колө...

Бара недыр кежлө ланьтлісны.

— Но нинөм,— гажая шуис Семен.— Ме тэныд отса-
ла. Кывзы...

Семен кутіс шөпкөдчыны. Ме шензьөмөйла ыдждөді
синъясөс, кыпөдчи да видзөдлі куст сайсянь. Семен, синъ-
яснас өтарө-мөдарө кодзлөдлігтыр, мыйкө тэрыба шөп-
көдіс, кадысь кадө мигнитлывліс, а Юралөн синъясыс
вочасөн кайисны кымөсас, вомыс пыр паськалі да пась-
калі. Медбөрын, сійө вөр моз видзөдліс тыланьө да по-
лөмөн шуис:

— Да мый тэ, кызди нө позьө?!

— Э, Юра, муса друг, сөмын оз позь юр пырыд га-
часьны, а сэсса ставсө позьө.

Юра мөвпалөмөн йирис парсө, а Семен өзтіс папи-

роска да, тшынсö веськодьпырысь пуркйöдлiгмоз, вич-
чысис.

— Мунасны да сэк нин кö-а?— юалис Юра.

— Сэк, дерт...

— Позьö видлыны, мыйкö артмас кö...

— Артмас!..

Семен заводитiс вуграсьны. Юра тожö чöвтiс ву-
гырсö.

«Мый йылысь найö шöпкисны?»— думайтi ме, но эг
вермы гөгөрвоны. Дыркодь пукалi аслам мича местаын,
но нинöм эз шед. Дöзми да бөр мунi Педөр дiнö.

Педөр, кор кылiс нитшсялöм мышка сир йылысь мен-
сьым висьтсö, гораа серöктiс.

— Ме унаысь шыбитлi тайö пеж тыас кыснанöс, но,
сiсь колодаяс кындзи, дзик немтор эз шедлы.

Ты дөрö лэччис Таня.

— Ужын гöтов.

Чой кутчысис сойö да ме вылö видзöдлiс мелi синъ-
яснас:

— Мудзин, Питирим, да? И кынöмыд, кöнкö, сямалö?

Ме ньылыштi дулльöс: кынöм, збыльысь, прамöя нин
сямалöма.

— И ме мудзи,— ышловзис Таня да мыжалырысь
нюммунис. Ме малыштi сылысь небыдик кудриа юрсисö
да вбодера шуи:

— Нинöм, Таниюш...

Ужнайтiм. Кодсюрö нюжөдчисны лыс вольпась вылö.
Водiс и Юра. Менам чой, тасьтi-пань мыскалiгмоз, за-
водитiс сьывны. Ваня босьтiс гудөксö, любöпырысь кыв-
зыштiс чойлысь мича гөлөссö да кутiс ньöжйөнникөн
ворсны. Оля видзöдлiс Таня вылö, нюммунис, и со нин
кык гөлөс юргöны рытья чöв-лөняс. Ми кымыньөн куй-
лим кодзавны удиттöм эжа вылын да кывзiм.

Юра, сьылöмсö кывзiгтыр, лапйöдлiс-лапйöдлiс синъ-
яснас да унмовсис. «Шудтöм Юра,— думыштi ме.— Лун-
тыр, коньөр, бовъялiс öтарö-мöдарö жар шондi улын, ве-

сиг эз водлы гож сайо, сеталис миянлы толка индодъяс, юрнуодис став уджнас, сэсся рытбыд кыйис чери, а некод весиг пасибо эз висьтав, эз жалитышт...»

Ме ышловзи да чеччи эжа вылысь. Колө вөлі кызкө пасйыштны вөвлөм бригадирлысь сьокыд уджсө. Босьти шом да матыстчи узьысь дорө. Меным дзик некод эз мешайтчы: ёртъяс куйлисны би дорын да сьылисны. Ме ляпкөдчи да кокныдыка нуоди шомон Юра ныр увти. Узьысь вөрөдыштис вылысь вом дорсө, но эз садьмы. Ме нуоди мөдысь. Юра көрис нырсө, сэсся кинас ниртыштис ныр увсө: луддзис, буракө. Кор босьтис кисө, ме долыдырысь нюмьевти: ус артмис зэв бур. Мед чужомыс лоис нөшта мичаджык, мавтышти ныр помсө. Юра вөрзис. Ме тэрыба воді кынөм вылө. Куйлышти — шы ни төв чеччи, любуйтчышти аслам уджон да муні ёртъяс динө. Оля сюся видзөдліс сьод синъяснас, но ме веськодпырысь очсышти да нюжөдчи Педөркөд орччөн.

Ваня да нөшта кымынкө зон вайисны кос лөп да пуктисны би вылө. Недыр мысти би горша уськөдчис косувъяс вылө. Би кывъяс нюжалісны пу судтаөдз. Жарыс вөтліс миянөс бокөджык.

— Татшөм би төгөрыс ми том дырйи йөктывлім, — висьталіс Педөр.

— А коді нө мешайтө миянлы йөктыштнысө? — горөді ме. — Ваня, вай гаровт мыйкө гажаджыкөс.

— Вай сувталөй, сувталөй! — горзис да чеччаліс Педөр. Ми, нывъяс и зонъяс, кутчысим жиысь жио да, мудзнымөс вунөдомон, заводитім бергавны да йөктыны бипур гөгөр.

Шумсьыс палялі Юра да кыпөдіс юрсө. Сэсся очсыштис, чеччис да матыстчис милань. Медводз аддзис сійөс Тая да кусыньтчөмон сьөлөмяныс серөктис.

— Видзөдлөй, видзөдлөй, бригадирным уска! — гажаа серөктис Педөр.

Юралон чужомыс вөлі унзіль, зумыщ, сы вөсна серам вөлі нөшта нин гажаджык. А ме сөмын гусьоник нюмъялі.

Шонді лэччөм бөрын ми водалім коз лапъясысь вөчөм вольпась вылө. Мудзөм бөрад регыд и унмовсим.

Войнас кодзыд вөснаыс ме палялі да восьті синъяссө. Югыд енежсянь слабиника мигайтісны разной рөма кодзувъяс. Бипур кусөма, сөмын өти гөлөвня дышиника тшыналө.

Ме чеччи, йөжгылясигтырйи лөсьөдышти гөлөвняяс да заводиті зіля пөлясны. Недыр мысти песъяс костысь быйкнитісны югыд би кывъяс да кутісны йөктыны. Ме содті кос увъяс, и би төдчымөн лои гажаджык. Гөрд рөмөн югнитіс Сьөд тылөн кодзыд да лөнь веркөсыс. Ты берегдорса сьөд козъяс да копыртчөм бадьяс видзөдчисны лөнь тыө да, кажитчө, шога ышлолалісны. Налы, буракө, жаль вөлі тыыс. Öд некымын лун мысти Сьөд ты увпигтырйи уськөдчас канал кузя и регыд косьмас. Пуяслы некытчө лоө видзөдчыны мича асывъяссө. Оз кут эзысьөн пуны тылөн югыд веркөсыс кокни төвруясысь, оз кутны шыавны уткаяс. Лөнь лоө, гажтөм...

Ме очсышти. Окота нөшта узыштны, но биыс вывті гажаа трачкөдчис да печласис өгыръясөн, и полі, мед югыд чирк оз чеччышт кодлыкө воротник костас, либө мед оз кыскы кодкө ломзысь өгырсө ныр розяс.

Ёртъяс узисны чөскыда. Нырнас шкоркнитльвлө Ваня. Со Оля кусыньтчөма көлачөн Таня дорө, сүйөма княссө пидзөсьяс костас. Алөй паръяс косттіыс еджвидзөны посни пиньяс. Нывкаяс узисны өтлаын. Оля водөма медся дорас.

«Лунтыр микөд тшөтш уджаліс, эз норась, көть и нывка»,— думышти ме.

Оля вөрзышти: кынмө, тыдалө. Ме пөрччи фуфайкаөс да видзчысьөмөн шебралі нывкаөс. Оля востыліс сьөд синъяссө, нюммунышти да бөр унмовсис. Ме мыйлакө гөрдөдышти да тэрыба видзөдлі ёртъяс вылө: эз-ө кодкө аддзыв менсьым шебралөмсө? Серавны ещө кутас-

ны. Эз, ставныс узыоны. Сөмын вот Педөр, кажитчө, нюмъялө. Весиг узигас нюмъялө, дивө кодь мортыд. Али оло, чөртпиыд? Ме кокныдыдика тувки сылы кынөмас:— Тэ олан?

Педөр мыйкө нурбыльтис ун йывсыыс, сэссия синъяссө восьтивтөг грөзительтитис:

— Нидзув банкасө кө пөрөдан, видзчысь, мый ме сэки тэнө вөча!

Ме видзөдлі гөгөр, но некутшөм банка эг аддзы.

Би кутис öйыны лөнджыка. Ме синва петтөдз очсышти да нюжөдчи Ваня бердө.

Садьми гораа броткөмысь.

— Мый нө сәні шондi петигас петукъяс моз горзан?— скөрми ме.

Воча кыв пыдди Педөр öшөдiс менам ныр весьтө мыйкө нидзув сямаөс да юалис:

— Нидзувъяссө тэ жаритин?

— Кодөс?!

— Нидзувъяссө! Меным вуграсыны колө муны, а тэ кань моз чеччөмыд войын, би пестөмыд да жаритчан!

— Кодi жаритчө? Тэ мый, вөтасян али мый?

Ме гөгөрвои, мый, пемыднад песьясөн вөрөшитчигад, пөрөдсьөма нидзув банкасө, да юали:

— А жаритөм нидзувъяссө чериыд оз сөй?

Педөр серөктис да лэччис ва дорө. Ме бара унмовси. Садьми гораа гудөкасьөмысь да сьылөмысь. Вөлөмкө, Оля да Таня чеччөмаөсь водз, пестөмаөсь бипур да пюзьөдөмаөсь чайникъяс. Сэссия пальөдөмаөсь Ваняөс да суйыштөмаөсь киас гудөк. Унзиль Ваня лервойсө дыр абу гөгөрвоөма, мыйын делөыс, а сэссия гөгөрвоөма да чажөбтөма збодер сьыланкыв:

Петушок, погромче пой,
Разбуди меня с зарей!

Тайө гажа сьылөм-ворсөм улас ми нюмъялигтырйи кыпөдалим юръясыномөс. Медым өдйөджык вөтлыны ун-

зільсö, бузгысялім вискö, мыйöн вывті ёна скöрмöдiм Педöрöс: вöлöмкö, дэбöдö кутшöмкö вöвлытöм ыджыд сын. Шондi петöмсянь Педöр абу весьшöрö воштöма кадсö: кыйöма ведра джын сын да ёкыш. Черисö сійö сетe нывъяслы: пуöй пö бöрти кежлö. Унаöн яналöмөн тыжъялісны юр бöръяснысö: позис жö эськö вуграсыштны, да узьсöма тай, ерöмаканыд!

Чай юигöн воис ичöтик пыжөн Володя. Вайис бидонён комын литр йöв, мешöк джын нянь, чай да сакар: Сергей Иванович тшöктöм серти пö.

Володя видзöдліс мяянсьыным уджнымöс да некымын мортöс ыстіс керавны майöгъяс.

— А ті, нывъяс, ваялöй майöгъяссö: öні жö колö крепитны рöv бокъяссö... Видзöдлöй, мый артмö!

Ми видзöдлім. Збыльысь, делöыс эз вöv мича: сійö местаöd, кодi тысянь вöлі медся матын, рöv бокъясысь сöдзтысис нйит сора ва. Кизьöрмöм нйитыс веськыда вивувтіс. Татi, дерт, кодйы, кöть эн кодйы, дзик öткодъ: рöv бокыс дугдывтöг кутас исковтны-буждыны.

Кад воштытöг босьтчым уджö: öтияс кодйысисны, мöдъяс кералісны бадъ, коймöдъяс кыскалісны сійöс, а Володя ёсьталіс майöгъяс.

Ваня лöсалис кыз пуысь ыджыд нöш да заводитіс упкыны-тувъявлыны майöгъяссö рöv бокъясас. Кöть и дыша зэв, но Володя локтöм бöрын заводитіс уджавны и Юра, дай сöмын сы бöрын, кор Володя буриника янöдіс сійöс.

Час мында уджалöм бöрын Володя пуктіс черсö, чышкыштiс чужöм вывсьыс пöсьсö да шуис:

— Бур. Талун, ме чайта, тіян эштас кодйысян уджыс. Обед бöрас заводитöй керавны майöг да бадъ, мед рытланьыс, кодйысян удж помалöм бöрын, заводитны эжны рöv бокъяссö бадъөн, а то буждыны вермас.

— Крепитім тай нин,— шуи ме.

Володя кöсöйтчис мелань, нюммунис:

— Крепитім кык метр кузьта, а рөвныд тiян со кыт-чөдз нюжалөма! Джуджыд лоө, да любөй местаөд вер-мас буждыны...

Володя велөдiс миянөс, кыдзи потшны рөв бокьяссө плетеньөн.

— А тысө кыдзи кутам лэдзны?— юалi ме.— Эсiйө кык метр кузьта перемыгчкасө, кодi торйөдө тысө рөв-сьыс, бара ковмас кодйыны?

— Оз ковмы кодйыны. Ме кори речникьяслысь взрывчатка. Найө перекаат взрывайтөны верст куим сайын. Лун-мөдсө тани на лооны. Либө асьныс воласны, Сергей Иванович сёрнитiс нин накөд, либө сетасны взрывчатка-сө да ме ачым взорвита: армияын бура төдмасьли тайө делөнас: взрывникөн вөли...

— Вот тайө да!— вом дорьяссө нюлыштiс Педөр.— Ми том дырйи тадзи жө вөчлывлiм.

Володя мунiс: овмөсыд пө ыджыд, быдлаө колө волыны. Сiйө көсйысис рыгнас нөшта өтчыд вуджавны.

Ми заводитiм кодйысьны. Час мында кодйысьөм бө-рын ме кутi каитчыны, мыйла төрыт эг мун гортө. Пөся-лөм кияс көрт зыр пуө сiдз зыртчисны, мый чуньясөс веськөдны эг кут вермыны. Ки пыдөсын да лев костын артмисны зэв ыджыд вабольяс, кодьяс недыр мысти потласисны, и киөй чөсөдiс терпитны позьтөма.

Лун шөр кад матыстчигөн лон сэтшөм жар, мый лавны эг кут вермыны. Некутшөм төвру абу, некытi оз вөрзышт, весиг сынөдыс абу сөстөм, а кизьөриник тшын кодь, гөлубөй, тiралө му весьтын.

Тушаын места эз вөв, кытысь эськө эз пет пөсь. Кажитчө, коклябөрьясысь и то шорьяс визувтiсны. Юрси пратьмис да сибдалiс кымсө.

«Чөртыс вайөдiс менө татчө!»— скөра думышти ме да веськөдчи, и синьясөн паныдаси Танякөд. Нывьяслы, дерт, вөли кожньыдджык: найө ноксисны бипурөн, лөсьө-дiсны сөян-юан, сэссия бадь новлiсны, и эз нин ми мында кодйысьны.

Таня мелі синъяснас гөгөрвоана видзөдліс ме вылө, сэсся гажаа мигнитіс, кайис рөвысь, босьтіс гудөк да матыстчис Ваня дөрө:

— Ворсышт, Ваня...

Ваня шензьөмөн видзөдліс Таня вылө, сэсся нюмму-
ніс, копыртыштліс юрсө да босьтіс гудөксө. И друг сэт-
шөм гажа шыяс ойдөдісны ывла вывсө, мый менам
ыркмуніс сьөлөмөй. Педөр лэптіс юрсө да долыдпырысь
серөктіс. Қодйысысыяслөн мудз чужөмъяс выланис мыч-
чысис нюм, синъяс дзирдыштісны гажаджыка. Ставным
кайим рөвысь.

Оля шыбитіс көрт зырсө да кутіс йөктыны. Гожъялөм
кокъясыс сылөн вөрисны тэрыба-тэрыба, а сьөд көсаясыс
пыркалісны морөс вылас. Педөр видзөдіс-видзөдіс, сэсся
эз вермы терлитны, шлапкис жепкасө муө, вылө-вылө
чеччыштліс да заводитіс бергавны-йөктыны Оля гөгөр.

Нывъяс нюмъөвтисны ёрта-ёртыслы, и юрөбтіс гажа
сьыланкыв. А Ваня, тырысь карөй синъяссө кытчөкө ты
помө веськөдөмөн, сөмын жисьтіс-ворсіс. Ми любөпырысь
видзөдім тайө концертсө. Весиг мудзным кытчөкө воши.

Но век өд он сыв да ворс: колө уджавны.

Бара босьтім көрт зыръяс. Ме зывөка видзөдлі енеж
шөрө өшйөм шонді вылө, коді талун нем жалиттөг пөжис
да сотіс миянөс, да заводиті кодйысыны, недыр мыгсти
бара лои сьөкыд. Быд копыртчылігөн юрөй сідз польд-
ліс вирөн, мый гудыртчылісны синъяс да заводитлісны
доймыны көсичаяс, кымөс, юр бөр. Сійө и видзөд, ныр-
сьыд и пельсьыд ылыкнитас вир.

Медбөрын, вон сэтчөдз, мый мусө быд кыкысь шыби-
төм бөрын ковмыліс мыджсьывны көрт зыр пу вылө да
шойччыны. Видзөдлі ёртъяс вылө: некутшөм чужөм вы-
лын эз тыдав нюм, не кө, дерт, артавны Педөрөс. Оз
али мый сійө мудз? Паныдасян синъяснад, и сэтшөм
гажаа нюмъөвтас, быттьө оз му кодйы, а нөк панялө.
Сідз жө, мудз төдтөг, кодйысис и Ваня: некод вылө оз
видзөд, оз веськөдчыв, шыблалө и шыблалө сөй ёкмыль-

яссö. Мудз чужöмаöсь, норасьтöг кодйысьöны Оля да Таня. Найö кыкнанныс ээв частö шойчöны.

А менам вын сэсся быри, шыбиті кöрт व्यрйöс да пукси:

— Сэсся ог кодйысь... Мудзи...

Юра, коді уджаліс микöд тшöтш, но сідз эз и пöсъявлы, нюмдіскодь.

Ваня лапйöдлыштіс синъяснас, мөвпыштчөмөн видзöдыштіс ме вылö, ышловзис, сэсся макнитіс кинас:

— Ладнö, шабаш! Öбед!

Ми радпырысь горöдiм да уськөдчим вискö. Купайтчим дыр, сьölөм бурмытöдз, ворсім да суналім быдсяма ногыс. Торйөн нин старайтчи ме. Весиг порсь моз ружті: сэтшөм нин ваас вöлі лöсьыд.

Сэсся кайим мылык вылö да водалім. Бипур весьтың öшалысь ведраяс да чайникъяс вылö радейтана синъясөн видзöдлывлігмоз кыскалім нянь, тасьтіяс, паньяс. Таня кисьталіс юква. А кутшөм юкваыс! Гежöда удайтчывлö паньыштны татшөм юквасö. Сэсся кутчысим чериö.

— Челядь, ті видзöдлöй вöвлөм бригадир вылас,— сын юр вильöдiгөн нюмъевті ме.

Челядь бергöдчисны.

— Мый нö?— чужөм вывсьыс пöсьсö чышкигмозскöра юаліс Юра.

— Уджалігад эз пöсъявлы, а сөйигад, видзöдлöй, сулик ва!..

Ставөн гажаа серöктісны.

Юра гөрдöдіс, тэрыба сувтіс, но аддзис Ванялысь зумыштчөм чужөмсö да бөр пуксис.

— Меным кажитчö, тэнад кывйыд вывті кузь да вермас коркö курччыссьыны. Локтін кö уджавны...

Ме лэлті юрöс, но вöвлөм бригадир эз помав: тыдалö, аслас кывйыс курччыссис.

— Правильнö, Юра!— шуи ме.— Локтін кö уджавны — уджав. А коді оз уджав — сійö оз сөй. Дзик весьшөрö ми тэнö вердім черинас. Бөр вай!

Челядь серöктисны, а Юра зятнитіс пиньяснас да, парьяссö курччöмөн, лөгпырысь видзöдліс ме вылö, но дзик нинöм эз вермы шуны. Обед бöрын сійö зумыша малыштіс кöрт зырлысь чегöм пусö, кодöс вевъяліс витöдысь нин чегъявны, сэсся босьтіс Ванялысь черсö да саялі тыдöрса вöрö, буракö, муніс корсьны вьль кöрт зыр пу.

— Эг думайт, мый Юра сэтшöм дыш,— ышловзис Таня.— Ме сідз сійöс уважайті, весиг полі...

— Менам вок кöсйö лоны музыкантөн,— гажтöма нюммуніс Оля.— Меным пö дзик нинöмла вöчны сьöкыд удж, мырсьыны, кисьтны пöсь, менам пö эм талант...

— Ладнö,— шуис Ваня да босьтіс гудöксö.

Ми куйлім мылык вылын да, синъясьнымöс куньöмөн, сьöлөмсянь кывзім гудöклысь мелі шыясö. Ваня веськөдöма карöй синъяссö кытчöкö ылö-ылö, копыртыштöма пемыдруд юрсиа юрсö да, кажитчö, ворсö оз гудökөн, а миян сьöлөмъясөн. Мый вылö норасьö гудökыс? Кывзан, кывзан ышлолалігтырйи, да сьöлөмыд небзяс, весиг бöрдзыны окота лоö...

Шойчыштöм бöрын Таня, Оля да нöшта кымынкö нывка лэччисны вис дорö мыськавны дозмук.

Ваня сувтіс, мөвпалөмөн ниртыштіс нырсö, сэсся лыддис черьяс. Вöлі нель чер, витöдыс Юра ордын. Торья уна сёрниттöг вьль бригадир бöрйис нель мортöс, сеталіс налы черьяс да индіс бадь кустьяслань:

— Керасьны...

Татшöм ногөн жö бригадир торйöдіс нывьясöс да дженьыдика шуис:

— Бадьяла...— А мукöдыслы нюмъөвтис да кинас öвтыштис:— Кодйысьны.

Қоли час дай мөд, ми мудзтöдз нин уджалім, а Юралөн дукыс абу. Ваня частö видзöдльвліс вöрлань: колö заводитны эжны рöv стенкаяссö, ёсьтыны майöгьяс, а черыс сэсся абу.

— Сибдіс кытчöкö,— тöждысис Педөр.

— Ого-го!— горөдiм ставөн öттшöтш.

Недыр мысти Юра мыччысис. Қиас эз вöв ни чер, ни көрт зыр пу, но зато кепкаас тыдалiсны утка колькъяс.

— Кытысь нö утка колькъясыс?

— А черыд?

Юра пуктiс кольк тыра кепкасö вутш вылö да ышловзис:

— Вошти...

— Воштин?— синъяссö сувтöдiс Ваня.

— Пыри вöрас, мунышти, и друг кожъяс улысь утка чепöсйис, но эз лэбзыы. Меным кажитчис — ранитчöма. Суöда — сийö котöртö вутшъяс косттыыс. Сэссия гөгöрвои: поз сылөн көнкö тани. Қорси, корси и адззи. А вот черсö кытчö пуктi — ог төд. Некрыгысь эз сюр.

— Ладнö,— чöv олыштöм бöрын ышловзис Ваня, босьтiс көрт зырсö да лэччис рövö.

— А мыйөн Ваня майөгъяссö кутас ёсьтыны?— скöра юали ме.— Утка колькъяснад?

— Қолькъяссö бөр колö нуны,— раминика шуис Таня.— Уткаыс, көнкö, öнi корсьысьö.

— Збылысь, колö пуктыны важ местаас,— кылисны гөлөсьяс.

— Бөр ну!

Юра зумыша бергöдлiс юрсö öтарö-мöдарö.

— Завидь босьтiс?— пöлөстiс сийö вомсö.

— Он ну?— юалис Оля синкымъяс увсянь вокыс вылö видзöдöмөн.

— Ог!

Ваня кайис рөвысь, матыстчис Юра дiнö, тапкöдыштiс пельпомас да дженьыдика шуис:

— Ну!

Юра йöжгыльтчис, сэссия шöйöвошöмөн юалис:

— Кытысь нö ме корся позсö?

— Ми видзöдлiм ёрта-ёрт выланым да нинöм эг вермöй шуны. Öд збылысь: эз кө адззы воштöм черсö, то öдвакö нин сюрас утка поз.

— Кутшөм тэ, Юрка!— ёна дөзмөмөн чукуртчыліс Оля да лэччис рөвө. Челядь, Юра вылө көсөйтчылөм бөрын, зумыша лэччалісны сы бөрся.

Би дорө колим куимөн: Юра, Педөр да ме. Юра ляпкөдчис би дорө, өзтіс папироска.

— Сідзкө, пуам да сёям колькъяссө!— шуи ме да видзөдлі Юра мыш сайысь кольк тыра шапка вылө.

— Ок, и радейта ме утка колькъястө!— нюлыштіс вом доръяссө Педөр да пуксис Юралы паныд.— Том дырйи гөтыр пуас вөлі чугунөн...

— Ме и ачым кужа сёйны колькъяссө!— орөдіс Юра.

— Ни өтиөс он сет?

— Меным кажитчө, ме эг тэныд вай!

— А тэ пөж, пөж, пуксы да!— скөра горөдіс Оля.

«Тайө кодкөдкө юкяс! Юрайд абу Педөр!— думышті ме.— Велөдыштны эськө татшөмсө...» Син улө уси кольк тыра кепкаыс. Очсалигтырйи ме муні Юра мыш сайө да, дыр мөвпавтөг, суйышті кепкасө лажыньтчөмөн пукалысь Юралы улиас. «Гашкө,— думайта,— пукяс. А оз кө пуксы, позьө пельпомөдыс личкыштны, сэки пукяс».

Юра, збыльысь, мудзис лажыньтчөмнад куткырвидзны, ышловзис да пуксис колькъяс вылад. Қолькъяс вадз-муніны. Юра звирк чеччис да гөгөрвотөг видзөдліс улиас. Гачсыс өшөдчисны виж везъяс. Педөр юрсө чатөртөмөн вом тырнас серөктіс, а ме горөді:

— Ёртъяс, Юрайд яичница нин вөчис!

Лякөссьөм гача Юра, пиньяссө векыштөмөн, усыкөдчис ме вылө, но ме, гажая сералигтыр, котөрти ёртъяс дінө. Челядь сералисны синва петтөдзныс. Сьөлөмсяныс сералис и Оля:

— Сідз тэныд и колө!— куснясис сійө.

6

Шонді ньөжйөник катовтчис увлань. Но и рөв кутіс кодйыссыны. Қомын мортыд — комын морт и эм: видзөдлан да повзян — сы мында му шыблалісны.

Мылык весьті рөвыс лои нин кык метр судта. Сэни уджалысны Ваня кодъ жö ён зонъяс. Но мянлы эз жö вöв кокни: воис сёй, кожъяс улын болскöдчис няйт сора ва. Сапöгъяс сибдалысны, лоисны свинеч кодъ сьöкыдöсь, а көрт зыр йылысь он нин и сёрнит — пуд сьöкта. Но медся лёк вöлі сійö, мый пöшти нинöм он вермы шыбитны вывлань. Öвтыштчан мый вынсьыд, а сёй комöкыс оз и торъяв көрт зырсьыд — бөр лэччö. Гусьöник ёрччитыр скöрысь сетыштан көрт зырнад рöv бокö, сэсся весалан сибдöм сёйсö чагторйөн да бара заводитан кодйысьны.

Но уджлөн тыдаліс нин помыс, а ми зілим. А Юра лэччыліс кытчöкö вис пöлөн увлань, сэсся муніс корсьны вошöм черсö.

Миян удж кутіс эштыны. Медбöрын, Ваня прöйдитіс рöv кузя, дыр видзöдіс öтарсянь и мöдарсянь, сэсся долыда лольштіс:

— Гöтов!

— Ура-а!— көрт зыръясынымöс вылö кыпöдöмөн мöд-лапöвтырнас горöдім ми. Йöлöга шыасис весиг мöдар берегсянь. Горзигтырйи кайим мылык вылö. Нимкодъяс-ла Педөр весиг йöктыштіс.

— Шойчыны!— нюммуніс Ваня да водіс кынöм вылас.

— Ме сэтшöма мудзи!— ышловзьöмөн Оляöс кутыштіс Таня.

Ме видзöдлі чойлөн вöсньыдик, гөрдöдöм сойяс вылö, и топавліс сьöлöмöй.

— Ме мудзи жö, Таниюш,— шуис Оля.

Воис Юра. Гажтöма видзöдліс Ваня вылö, шевкнитіс кияссö да ышловзьöмөн пуксис. Ваня зумыштчис. Мылык весьті канал зэв джуджыд, бокъяссьыс сöдзтысьö ва, эмöсь лыа местаяс, сійö и видзöд — буждыны вермас. Сэтчö жö лунтыр вöлі жар, уль руа, пöжис, енэжыс ытывывысянь заводитіс лöзöдны, и оз кө рытнас, то войнас ёна зэрмас. Сэки рöv вылö макнит кинад: буждас. Шойчыштöм бöрын колö заводитны эжны баддьөн рöv

бокьяссө, а черьяс оз тырмыны. Өд, бадь кералөм кын-
дзи, колө керавны и майөггьяс, ёсьтыны найөс да тувьяв-
лыны.

— Ок, кутшөм тэ, Юрка!— скөр сингьясөн видзөдліс
вокыс вылө Оля.— Черьясыс сідз нин оз тырмыны-а...

— Сідзкө, вуджаламөй сиктө,— шуи ме.— Взрывчат-
касө колө жө вайны...

— Сідз тэныд и сетасны,— нюмъэвтіс Таня.

— Мыйла нө оз? Сетасны!

Недыр вензьяштөм бөрын шуим кывтлыны Митрей
дядь дорө взрывчаткала да сэсянь кайны гортө, а аски
чергьясөн локны бөр. Дерт, потшсыны-эжны колө талун,
но кузь лун чөж уджалөм бөрын ми ставным жуялім, и
гортысь бөр вуджөм йылысь сёрни эз и кыптыв. Кодгьяс
окотитөны потшсыны талун, мед потшөны, мыйта вер-
масны, а коляссө помалам аски.

— Ладнө,— шуис Ваня,— ветлөй.

— А ми эжам рөв бокьяссө мыйтакө,— содтіс Пе-
дөр.— Регыд локтас Володя, сыкөд делөыс бурджыка
артмас.

Мөдөдчим. Ыджыдысь-ыджыд пыжөн кывтім бакен-
щик будка дорөдз. Бакенщик берег дорын көнөпати-
тіс пыж.

— Митрей дядь, ми взрывчаткала воим! Кодйысян
уджыс миян эштис.

Митрей дядь, гөрд тош увсө гыжгьяліггыр, видзөдліс
ми вылө:

— Кодйыссис, шуанныд? Но, но, зэв бур. А взрыв-
чаткаыд, пьян, ме ордын абу.

— А код ордын нө?

— Речникгьяс ордын. Взрывчаткаыд өд, пьянө, абу
шыдөс, кытчөсюрө да кызсюрө сійөс оз кольны...

— А көнөсь нө речникгьясыс?

— Налөн пароходыс асывводзнас муніс, а Каньванев,
том взрывникыс, дзик на өні, час джын сайын кымын,
катерөн кывтіс.

— Взрывчатка сө эз и кольны?— шогөн тыр гөлөсөн өтпыйо горөбтiм ми. Унаои ружөктiсны.

— Вот кутшөмөсь!— дзикөдз скөрми ме.— Миян абу весиг ки тыр взрывчатка, а налөн быдса пароход, да эз и кольыштны? Кыдзи нө ми тысө лэдзам?

— Ог төд, пиянө,— ышловзис Митрей дядь.— Код-йысьыштанныд нөшта, буди...

— Кутшөм тэ сюсь, Митрей дядь!— нор гөлөсөн шыасис Таня.— Ми мудзим!

— Ог төд сэсся, нылукөй... Кыдзкө ковмас помавны взрывчаткатөг нин. Каньванев, томджык взрывникыс, мунигас тай висьталiс жө эськө да: эз пө ло мича, пөръялөма пө лои Сергей Ивановичөс, да нинөм ог вермы вөчны. Ме пө кольли взрывчатка сө куим литрөвөй сулеясын капсульөн и шнурөн, но артмис пө мисьтөма: кватитчи да, ни өти сулея абу кольөма...

— Кольлөма да абу кольөма?— эг гөгөрво ме.— Кыдз нө сiдз?

— Да вот сiдз, пиянө,— шевкнитiс кияснас Митрей дядь.

— Да тэ висьтав, Митрей дядь, висьтав!— топөдiм ми бакенщикөс, муртса эг кутчысьөй рыжөй тошкас. Митрей дядь пуксис пыж мыш вылө да тош увсө гыжъялиг-моз шуис:

— Мый нө висьтавнысө? Взрывайтчисны тани кыкөн, но а төрыт пөрысьджыкыс мыйкө висьөдчискодь. Ёртыс тшөктө мунны пароходнас: ми пө Митрей дядькөд вермам өти лунсө уджавны, либө пароход командасыс матросөс корлам. Но мөдыс эз сөгласитчы: узя пө да ставыс прөйдитас, аски пө помалам уджсө да өтлаын и мунам. Талун асывнас петкөдiсны пароход бөжө көрталөм ичөтик көрт баржа кодысь взрывчатка, сюялисны сулеясы, лөсьөдалiсны капсуляс да шнурьяс, а коляс взрывчатка сө бөр пыртiсны пароход вылө. Сэсся пароходыс и мунис. Но, а взрывникьясыд лөсьөдчисны петны ва вылө, но падмисны. Видзөда: пөрысьджыкыслөн чужөмыс то едждөдлас,

то гөрдөдлас. Дзикөдз висьмөма мортыд. Қаньванев и ыстіс сійөс сиктө. Эз на тай лэччыв, водтөдісны, буракө, больничаө. Қовмас меным пуксыны сыннытө. Дзик нин мөдөдчлім, но друг вөзйысис Семен...

— Семен?!— шемөс босьтіс менө.— Сійө нө кытысь татчө уси?

— Семеныс? Локтісны речникъясыс да быд лун татчө волевліс. Асывбыд вупрасис тані и талун... Но вот, вөзйысис Семеныд: кытчө пө тэ, Митрей дядь, пөрысь морт, мөдөдчин? Сьөкыд пө өд лунтыртө сынны. Вайлы пө ме отсышта речникыслы, э. Дон пө ог босьт: взрывайтчигас лов-мөд сир, дерт, нин кыпөдчас, да сійө пө меным и тырмас. Но речникыд и сөгласитчис, дай ме вөлі рад: пола ме взрывайтчынытө.

Бакенщик өзтіс каллянсө да висьталіс водзө:

— Мунісны. Лунтыр взрывайтчисны эстөн кьвтыд перекаат вьмлас. Рытланьыс воисны. Семен кыв ни джын шутөг муніс берег пөлөн, а Қаньванев матыстчис ме дорө.

— Но мый,— юалі ме,— кутшөмджыка взрывайтчинныд?

— Взрывайтчим пө эськө бура, да өгитор мисьтөм лои: Сергей Ивановичлы, колхозса председателыслы, да Володялы көсйысылі отсавны кутшөмкө ты лэдзны, но ни өти зарад эз коль... Абу лөсьыд: Володяөс, армияын служитан мортөс, пөръялөма лои... Қызд нө, шуа, сідз? Қаньваневыд и висьталіс: взрывайтчим пө ми, взрывайтчим Семенкөд, сэсся петім лыа вылө сөйыштны, шөйччыштны. Семен пө өзтіс бипур, а ме пө лыдди кольөм зарадьяссө да куим сулея сюйи пыж нырө пуклөс улө. Сэсся пө ме чиститі картупель, а Семен пыж дорын вьсаліс чери. Сөйыштім пө да шөйччыштім, сэсся бара ва вылө. Шыблалі пө зарадьяссө да и катім татчө. Берөгө сувтөм бөрын пө восьті сумкаөс, көсья сэтчө сюявны кольөм зарадьяссө, видзөда: пуклөс улын нинөм абу. Юалі Семенлысь. А Семен и шуөма: ме пө өнтай лыа вылад куим сулеясө мукөд зарадьяс дорад өтлаөді, думайті пө,

мый тэ найёс вунёдөмыд пуклөс улас, да полі пё, мед оз кольны...

— Вот мёскыд!— шуи ме да сьёлышти.

— Қоді?— эз гөгөрво Митрей дядь.

— Да Семеныс!— ёна дөзмөмөн шуи ме.

— Да, да, воши тiян зарадъясныд, воши. А Қаньваневыд эськө буриника йиркнитіс тiянсьыныд тытө: раз-решение и быдөн вөлі начальствоыслысь корөма тысө взорвитөм вылө.

— Нарошнө кө тадзи Семеныс вөчис, а?— гажтөма юалис Оля.

— Қод төдас,— зумыша шуи ме да думьшти. «Гашкө и гусяліс зарадъяссө да? Сюйыштис кытчөкө лыа пиө, а коркө войнас волас да босьтас!» Но гора тайёс эг шу.

Митрей дядьлысь висьтсө кывзөм бөрын ми сьёкыда ышловзим да довгим береглань.

— Вай пуксялөй да катөдамөй пыжсө,— ышловзис да чукөстіс Оля.

— Қодлы нө өні окота дзонь километр ва паныд сынны?— көсөя видзөдліс Юра.— Меным кажитчө, аски вуджигмоз позьө катөдны пыжсө...

— Позьө,— шыасисны морт-мөд.— Мунамөй подөн, а пыжыс и тані зэв бура узяс.

Меным, веськыда кө висьтавны, дыш жө вөлі сынны сикт весьтөдзыд: мудзөм вөсна став туша лигышмунөма, ме дась вөлі татчө жө водны да унмовсьны. Но Оля пөшти зывөктөмөн югнитіс сьөд синьяснас вокыс бөрся да босьтіс пелыс:

— Катөдам пыжсө, Таня, а найө мед мунасны эсію дыш полокалөыс бөрся...

Ме тэрмасьөмөн пукси пыжө. Юра бөрся вөтчис морт-мөд-коймөд. Мукөдыс пуксялісны пыжө. Час джын упкөм-сынөм бөрын воим асланым сикт весьтөдз да кайим гортө.

Ужнайтім. Сэссия ме петі кильчө вылө да видзөдлі енежө. Рытыввывсянь тэрмасьтөг уйисны пемыдлөз кы-

мөръяс, горизонт бердыс ставнас съодасьома. Недыр мысти кымөръяс нылыштисны шондисо. Лои рөмыд. Ылын-ылын муртса мургыштавліс гым. «Ок, и ёна жө зэрмас!— думышти ме.— Бур, мый гортө воим».

Пукышти. Гоз-мөдысь очсышти. «А Педөр бөр вуджис,— дум вылө уси меным.— Öнi, көнкө, найö зiля и уджалöны, тэрмасьöны, мед зэрмытöдзыс вевьяласны эжны канава стеньяссö».

Рөв стеньяс буждыны вермөм йылысь думыштөм бөрад менам сьөлөмөй кутіс висьны: кодйим, кодйим, сымында гадь киясө песім, сойяс доймöны, мыш ёнтö и кынөм мыль кодь, а буждас кө,— зэв öбиднö лоö. Öнi мөдлапöлын витөн, а витнад во джын ковмас эжны. Гашкө, вуджны да отсалыштны?

Ышлолалі, гыжъялі то öтилаті, то мөдлаті. Мый вöчны? Гашкө, котöртлыны ёртьяс дiнö?

Мөдөдчи, а меным паныд Оля локтö. Сійö пасьталöма сьод юбка да еджыд ковта и петöма, буракö, ыркөдчыштны. Оля матыстчис, юаланаа видзөдліс ме вылө:

— Питирим, тэ мөдлапөлö он думайт вуджны?

— Думайта!— радпырысь шыаси ме.— Тэ тожö?

— Юра водіс узыны, а менам оз узьсы,— лапнитіс синьяснас Оля.— Вуджамöй вай.

Ме любöпырысь видзөдлі Оля синьясö, думышти:

«Кутшөм мича, шань тайö Оляыс!»

Сьөлөм кутіс тіпкыны гораа-гораа. Босьті нывкаöс киöдыс. Оля шензьöмөн видзөдліс ме вылө.

— Кутшөм тэ, Оля...

— Кутшөм?— нывлөн вöснъыдик сьод синкымьясыс лыбисны вывлань.

— Бур да... мича,— гөрдөдөмөн шуи ме. Би моз ыпнитіс Олялөн чужöмыс. Ныв лэдзис синьяссö да шöйöвошöмөн нюммуніс алöй парьяснас.

Ми видзөдлім ёрта-ёрт вылө шудаа да неуна яндысигтыр.

— Қора Таяёс, и ми вуджам, Оля,— шуи ме, топод-
лі нывлысь кисо да радпырысь лэбовті керкао. Видзодо,
а Тая пуксьома пызан сайо, лэдзома юрсо кияс вылас
да чоскыда узо. Еджыдруд кудриясыс усьомаоьс мудзом
сойяс вылас. Меным жаль лои садымодны чойос.

Пырис мам, адзис узьысь Таяёс да меліа нюммуни:

— Дона Танюшой менам, кызди мудзома...

Мам ичотикос моз босьтис сийос моздорас да нуис кро-
вать выло. Тая весиг эз и палявлы. Но и мед узьыштас.
Ме кок чуньяс йылын мододчи одзослань.

— А тэ, пиой, кытчө?

— Вуджны колө модлапөлө,— төждысян чужом вөчө-
мон шуи ме.— Рөв бокъяссө од эжтөг он коль!

— И абу дыш?

— Дыш көть абу, а колө вөчны,— кыз гөлөсөн эв-
збылысь висьталі ме.

— И эн мудз?— бурпырысь нюмъевтис мам.

Ме лэптыштли пельпомъяссө:

— Лоома жө удж! Ми рөвсө ворсигмоз и кодйыштим...

Ме кутчыси одзос вугйө.

— Да сёянторсө көть босьт!— тэрыба сувтис мам да
кутис сюявны сумкао нянь, пуом яй торъяс. Пуктис тшөтш
и бутылка йөв.

Ме босьті сёянтор тыра сумкасө, чер да петі ывлао.
Миянсьыным мунөмсө адзисны да локтисны нөшта нель-
морт. Модлапөлө вуджим квайтөн.

Ертъяс паныдалісны миянөс радпырысь, и меным лон-
вывті нимкодь, мый вуджи.

Зіля кутчысим уджө. Володя, коді вөлі тани нин, ин-
даліс миянлы, кыз-мый вөчны.

Рөвлөн отар бокыс кутис эжсыны, кор кымөръяс
улысь ыджыд шумөн, виччысьтөг чепөсийс вына төв ныр,
исковтис пемыд ты вывті, пузьодис васө да кутис скөрысь
куснявны кустъяс да пуяс, кодъяс повзьөмпырысь шувни-
тисны. Сьөкыда ружөктис пөрысь ков.

Дзирдыштіс югыдлөз чардби, сэсся йиркмуни поті енэжыс да сэсянь быттьөкө ыджыд барабан вылө пукыльтісны из тыра мешөк.

Та бөрын друг лөнис. Бадьяс веськөдчисны да тіралігтырйи кышкисны корнаныс. Помся югъяліс чардби да йиркакыліс-гымаліс. Шуштөма югнитавліс тылөн пемыдлөз веркөсыс. Ылынкодь тыдаліс енэжсянь муөдз нюжалөм еджыдруд стен — зэр.

Ваня видзөдліс стен вылө да, кияссө рупор моз вөчөмөн, горөдіс мөдлапөв пасьтанас:

— Ша-ба-аш!

— Ставөн пыж улө!— содтіс Володя.

Педөр мыччыліс кулаксө енэжлань:

— Со! Ме тэныд аски петкөдла гаж!

— А ме ветла на бадьяла!— ышмөмөн пыркнитіс сьөд көсаяснас Оля да тэрыба-тэрыба котөртіс бадь чукөр дөрө. Володя катлөдлыштіс юрсө:

— Со кызди гымалө, а оз өд и пов...

— Оля!— горөді ме.— Öдйөджык!

Ми котөртім пыж дөрө, кыскыштім сійөс, пөрөдім да пырым пыж улас.

Ты веркөс, кылө, пузис, кутіс сялыгыны пыр гораджыка и гораджыка. Ёна шумитігтырйи котөрөн локтіс тырысь войтьяса зэр.

Ме мыччылі юрөс. Оля тэрмасьөмөн кыскис бадь куст.

— Шыбит!— горөді сылы.— Пыр өдйөджык!..

Ныв уськөдчис пыжлань, но пель чунөдмөн пыж пыдөсө сяркөдысь зэрыс буринника удитіс сизьдыны Олялы мышкас.

Ныв чирзігтырйи дзевсис пыж улө.

— Ставныд танөсь?— кыліс Володялөн гөлөсыс.

— Ставным!— шуи ме.

— Бур,— кылө, ниртыштіс ки пыдөсьяссө Володя.— Шойччыштамөй сідзкө...

Чөв олыштім. Кывзім зэрлысь шумсө. Ме нюжөдчи Ваня бокө. Мудзөм зон узис нин.

Зэрлөн өтмоза сяргом шы улын кутіс вутрөдлыны и менө, но друг казялі, мый Оля тіралө-кынмө.

— Пөрччы котасьом ковтатө да пасьтав менсьым пин-жакөс,— шөпниті ме.

— Ачылд кынман...

— Босьт!

Оля кывзысис.

Ме тшөкті сылы вешйыны Ваня дінө, а ачым воді до-рас. Ванялөн да менам мышьяс костын нывка өдйө шо-наліс да дугдіс тіравны. Но сы пыдди куті кынмыны ме. Вөсньыдик дөрөмыд эз видз кодзыдсьыс да уль руа төв-сьыс, коді пөльтіс пыж улө. Менам пиньяс кутісны тар-какывны.

— Кынман?— мелань бергөдчөмөн шөпкөдіс Оля.— Бергөдчы татчө...

Ме бергөдчи. Оля зэв прөстөя, вокөс моз, сывйыштіс менө да ышловзис.

Менам чужөмөй ыпмуні-өзйис, а сьөлөмөй сідзи кутіс пессыны, мый дась вөлі чеччыштны морөс кудйысь.

— Кынминныд?— миянсьыным бергалөмсө казяліс Володя.— На, шебрасьөй...

Ми вылө уси небыд, шоньд фуфайка. Ме инмөдчи нырөн Олялөн шоньд морөсө, куни синьясөс да пыр жө унмовси чөскыда-чөскыда.

7

Асья шонді сьявкнитіс зарни югөрсө меным чужөмө. Садьми. Оля узис менө сывйыштөмөн да шоныда лолаліс бан бокө. Ме дыр куйлі вөрзытөг, сэсся ньөжйөник лэпті Олялысь кисө, вешті ас вылысь да кыпөдчьшті. Ёртьяс чөскыда узисны. Сөмын Педөр эз нин тыдав.

Любуйтчигтырйи дыр видзөді Олялөн мичаник чужөм вылө, сэсся шебралі нывкаөс фуфайкаөн да петі пыж улысь.

Асылыс вөлі лөнь да гажа. Кодзувьяс моз югыда дзирдалісны лысва войтьяс. Мыссьөм кустьяс, пуяс, ту-

рун вöліны сöстөмөсь, вежөсь. Ывла вылыс быттьö став-
нас нюмъяліс.

Лэччи вис дорö мыссыны. Педөр ноксис нин кыс-
нанөн.

— Оз жö тэнад узьсы, — шензи ме.

— Қодлөн нö узьяс татшөм мича асылö? — гажаа
нюммуніс сійö.

Ме кыски зептысь ассым кыснанös.

— Куръяö ветлы, — шуис Педөр. — Татысь мыйлакө
талун сирыс оз кутчысь...

Ме босьті Володялысь ичөтик пыжсö да вис кузя
кывтi увлань. Кутi нин воны куръя вомö, кор мясьн не-
ылын друг вывлань кайис ва столб да йиркнитіс взрыв.

«Ого! — думышти ме. — Қодкө чери глушитö!»

Тэрмасьөмөн курасьышти, петі вискысь куръяö да ви-
здöдлі öтарö-мөдарö. Ва вылын бергаліс пыж, а сэнi пу-
каліс Семен да сакөн куталіс чери. Пыжа аддзөм бöрын
сійö дрöгнитіс. Сэсья кутіс тэрыба-тэрыба курасьны ка-
тыд. «Повзис, — думышти ме. — Чайтіс, көнкө, мый тані
некод абу, а друг — пыжа...» Ме петі пыжөн куръя шөрö.
Тані кынөмөн вылө көвьялісны черияс. Вежыньтчөм чу-
жөма Семен бергөдчыліс, сэсья дугдіс курасьны: думыш-
тіс, буракө, мый детинкаысь нинөм повны. Бергөдчис бөр.
Чужөмыс кельыд, ачыс сьöкыда лолалö.

— Вуграся вöлі эстөн, друг кодкө бухнитіс. Заводитлі
суөдны — эг вермы, — кирган гөлөсөн висьталіс Семен.

«Висьтавлы кодлыкө!» — думайті ме.

— А тэ мый тані вöчан? — юаліс Семен.

— Ми узим тані, — раминика вочавидзи ме.

— Кодъяс «ми»?

— Ме да Педөр... Мукөдъяс төрыт вуджисны гөртö,
а ми Педөркөд кольччим кыснанасьны, — пөръялі ме, и
сэк жö юрö воис дум: «Кытысь сылы взрывчаткаыс? Эз-ö
нин кодлыськө гусяв?» И друг гөгөрвои: «Дерт жö, гуся-
ліс! Қаньваневыдлысь төрыт и гусяліс лыа вылас!» Вот
сійö кутшөм! Судзөдны, көть кызди, а колö судзөдны

взрывчаткасö! Но кызди? Корны весьшөрö: Семен сöмын мыгчылас виж пиньяссö. Мырддыны он вермы, гусявны бара жö некыз. Мый вöчны?

— Мый вöчны?— гораа юалис и Семен.— Кутшöмкö скöтина взорвитис, ачыс пышйис, а чериыс сисьмас. Лоö кöть юква вылö кымынкö лов кыпöдны...

Семен кутис бергавны ва вылын да лэптавны чери.

Ме матыстчи береглань, кыскыштi пыжöс да видзöдлi Сьод тылань: надейтчи, мый Педöр кылис взрывайтöмсö да кыпöдас шум, а татчö воасны менам ёртъяс. Но öд Семен вермас и мунны татысь. Юр бөрöс гыжъялигтырйи думайтыштi, сэсся чукöстi:

— Семен дядь! Эй, Семен дядь!..

— Мый нö?— зумыш чужöмсö бергöдис Семен.

— Босьтлы менö пыжад,— нор гөлöсөн кори ме.— Отсала черитö кутавны, да сы пыдди меным тшöтш ловмöд сет... А то менам сакыс абу да нинöмөн кутавнысö...

Семен нинöм эз шу, бара кутис бергавны пыжнас.

— Босьтлы, Семен дядь,— нярги ме.— Меным эськö öти сирпи кö и...

Семен чöv öлис.

— Семен дя-а-ады!

— Но, лок,— Семен веськöдчис береглань.— Лешакыс тиянöс кыскалö, кытi оз ков!..

Ме радпырысь пукси пыжö.

Дерт, Семен босьтис менö пыжö эз сы вöсна, мый жалыс петис. Черитö кутавны кыкнад öд зэв лöсьыд. Семен сувтис пыж шөрö да сакөн гумлалис черисö, а ме мый вынысь кураси то öтарö, то бергалi места вылын. Пöсь кисис ме вылысь шорөн, а аттьöалöм пыдди Семен, кызди вермис, матькис ме вылö.

Бызьытöдз бергалim курья вомын, лэпталim сирьяс да ёдияс, а посни чери вылö, кодi лыдтöм-тшöттöм кыптöма ва веркöсö вывлань кынöмөн, весиг эг и видзöдлöй.

— Чериняньтö радейтан сёйны, э?

— Радейта,— меліа нюмъёвті ме, а ачым гусьоник корсьыс синъясөн взрывчатка тыра сулея-яссö.

— Берегö сёсся сын,— нур-быльтіс Семен.— Пусьыны колö: рытсьяныыс нянь крöшки вомö эг на суйлы...

Менам сьöлөмöй радпырысь йöктіс: гашкö, берегас удайт-час гусявны взрывчаткасö, либö, воасны кö ёртъяс, мырддям.

Пыж ныр зутшкысис берегö. Семен шыбитіс лыа вылö чер, петкөдіс ноп, сёсся пырис пыжö, ляпкөдчис да заводитіс лөдны ведраö чери.

— Пай виччысян, э?— бер-гөдчыліс мелань.

— Пай,— юрöс гыжйышті ме.

— На!— шуис сійö, и кок улö уси сирпи.

— Аттьö,— шуи ме, лэпти сирписö и сэки син улö уси нопйыс. «Төдöмысь, сэнi взрывчаткаыс!»— думышті ме. Тэрыба видзөдлі мышкөн куткырвидзысь Семен вылö, кылтыштöм пыж ныр вылö, сёсся бергөдчылі Сьöd ты-лань, оз-ö локны ёртъяс. Сьöлөм кутіс ёна пессьыны мор-рöс пытшкын.

Нюжмасьыны эз позь. Ме звирк чеччышті да мый вы-нысь йөткышті пыжсö. Семен эз виччысь татшöм делöсö, шнөпкысис пыж пыдöсö да ыджыда ёрччыштіс, но пыр жö кылөдчис да лөкысь равöстіс:

— Скöтина!

Ме сэк кості кватиті нопсьыс кыкнан сулеясö да усь-көдчи пышйыны вис пөлөн. Но и Семен эз вуграв, чеч-чыштіс пыжысь. Ваыс вöлі морөсөдзыс, та вöсна сылы дыркөдь тырмис курасьыны берөгөдзыс. Ме котөрти öдйö,



но лыа вывтї пышйынытö вöлі зэв сьöкыд, та вöсна кутїс тырны лолöй.

— Ошла ме тэнсьыд, пез ловлысь, сювтö бадь вы-
лö!— кылї бөрвылысь.

Котöртїгмоз ме видзöдлі и аддзи: Семен пöрччöма сапöгьяссö да тövзьö воськов кызь-комын сайын.

«Суödас кö, виас!»— юрын визынитїс дум.

— Ваня, Педöр, Во-ло-дя!— мый вынысь горöдї ме.

Мыйта верми, содтыштї öд, но лолöй тырис век ён-
джыка и вом пытшкöсöй нин мöдїс косьмыны.

«Суödны кö кутас — шыбита сулеяяссö»,— думайтї
ме, а ачым видзöдлывлї матысмысь бадь кустьяс вылö,
оз-ö сэтысь чепöсйыны ёртьясöй.

Семенлөн кок шыясыс кылїсны дзїк нин матын.

Друг бадьяс сайысь тöv ныр моз мыччысисны менам
ёртьяс. Ме радпырысь горöдї, сувтї да бергöдчи.

Семен, кокьяссö таж-
гöдöмөн, сулалїс лыа вы-
лын да сьöкыда лолалїс:
повзис, тыдалö, прамöя.
Öд взрывчаткаөн ворсöм-
сьыд öдвакö ошкасны.
Кор аддзис челядь бöрся
гырыся восьлалысь Воло-
дяös, зїліс регыдджык
усйысьны аслас пыж дорö.

— Мый нö сэтшöм
дыр эн локтöй?— пошкиг-
тырїи ёртьяс дорö шыаси
ме.

— Да öд пальöднысö
найös пушкатöгыд сьö-
кыд,— ёртьяс вылас зу-
мыша видзöдліс Педöр.—
Сэссия ун йывсьыд некыдз.



оз гөгөрвоны, кытчо да мыйла колө котөртны: думайтисны, ме шмонита...

Вэрывчатка судзөдөм вөсна ёртъяс лоины вывти радось. Педөр весиг кутлыштис менө да окыпштис. Мелиа дзирдыштисны синъясыс и Олялөн.

Кайим Съод ты дорө.

— А рөвыд кытсюрө буждөма,— висьталис Педөр. Тэрмасьомөн муним рөв дорө. Отар бокыс, збыльысь, вөли кыклати буждөма.

— Нинөм,— шуис Володя,— ставыс лоө бур. Воасны йөзыс, да отвылысь өдийө кодйыштам...

Юра кындзи төрытъя уджалысьяс воисны ставөн. Налыдын вөли тшөтш Тая. Сийө мыжапырысь нюмъөвтис, сэсся матыстчис ме дорө да тувкнитис бокө:

— Ок тэ, Питирим! Мыйла төрыт менө эн садьмөд?

— Гөлөс быртөдз горзи, да эн садьмы,— серали ме.

Час-мөд ми зэв зила кодйысим — весалим буждөм мусө. Сэсся бура эжим каналлысь мөдар боксө. Лун шөр кад кезлө удж помасис. Шойччыштөм бөрын перемычка улө, рөв пыдөсас, кодйим розь.

— Но, вай, Питирим, сулеяястө,— корис Володя.

Сийө откузьтаа вундис кыкнан шнурсө, стуйис капсульяс да бутылкаяссө йөткис кодйөм розьө. Медбөрын, ставыс лои дась.

— Но, челядь,— кыпыда шуис Володя,— өни взорвитам и мынам сэсся тайө тысьыс. Вайө ставныд дзэбсьөй эсийө нырд саяс.

— А коді озтас?— полөмпырысь юали ме да нылыштити дульбөс.

Володя видзөдлис ме вьлө да нюммуни:

— Тэ и взорвитан, Питирим.

Гажаа шаровитигтырйи миян ёртъяс мунисны нырд сайө да сэсянь кутисны мыччавны юръяснысө. Володя сетис меным истөг көрөбка:

— Действуйт...

Ме нимкодпырысь чеччышти канал пыдөсө, неуна тиралысь киясөн босьти шнур помъяссө, өтлаөди найос да чиркниті-өзті истөг. Шнур помъясысь пызйыштис би да кутис шумөн пырны шнуръяс пытшкө.

— Зэв бур,— шуис Володя.— Вай китө.— Володя, ки-
өд кутөмөн, лэптыштис менө гу пыдөсысь, и ми котөртим
ёртыяс дорө.

Ме виччыси — вот-вот йиркнитас взрыв, но со нин ми
воим ёртыяс динө, водим, а взрыв век абу.

Менам кодзали мышкуй: взрывчаткаыс кө васөд да
оз взорвитчы?

Но друг сыркмуни муыс, и сийө жө едукас вывлань
кайис съод столб да зэв чорыда йиркнитис. Ва да няйт
пытшкысь муыс гырысь комөкъясөн лэбис увлань. Ты по-
мыс ставнас пувис.

«Ура» горзигтыр ми чеччалім да уськөдчим канал
дорө. Медся водзын пызйис Педөр.

Ты помсө взрывыс ставнас чашнитөма, буждөдыштөма
и рөвнымөс. Ва увгигтырйи уськөдчөма петны, резсьө
быгйөн.

Морөсөй тыри сэтшөм радлунөн, мый ме вылө-вылө
чеччыштли да эвиркниті канал вомөн. Тайө быдөнлы зэв
ёна кажитчис, и ме бөрся ставөн кутисны чеччавны. Во-
лодя сералигтырйи ниртис ки пыдөсыяссө. Гоз-мөдысь
лэбовтис канал вомөн и Педөр, но сэсся друг вольскөбтис
да бузгысис ваас. Ми горөдны эг удитө, а кияснас шена-
сысь Педөрөс ваыслөн вына визулыс төв нырөн моз
лэбөдис вис дорөдз да ляскис мөдар берегас.

Педөр кавшасис луд вылө, здук-мөд несъялис, сэсся
вом тырнас серөктис:

— Навигациясө ачым осьти! Ура!

— Ура-а!— вывлань шыбитім ми шапкаяснымөс.

А тыыс увгис и увгис.

Они ме эг жалит, мый гаддьөссисны кияс, уна киссис
пось да пөттөдз сюрлі мудзөм. Меным окота вөлі кутлы-
ны ассыым ёртыясөс.

Ваня вазнитіс гудокнас. Ми эг вермө кутчысьны, кодi кызди кужим йоктiм.

— Вот ми кутшомось!— посявтөдз йоктом бөрүн шуи ме.— Быдса ты вермим лэдзны!

— Да, да!— нюмъяліс Володя.— Онi вуджамой гортө, шюйччыштанныд...

Чукортiм колуйнымос да сөвтим пыжө. Ваня паськөдiс гудоксө. Рөв кодйысьяс сьылігтырйи кьвтiсны вис кузя Эжвалань, а ми Педоркөд кольччим чери кыйны. Ме эськө и окотитi жө мунны, да Педор шуис: «Час-мөд кыснанасям». Кыс-нанасигтырйи ми кайим вис кузя вьвлань.

— Питирим, канал дорад кодьяскө воисны,— ньөжйөнник шуис Педор.

Ме бергөдчи. Збыльысь, ты дорө виссянь кодкө кыскө пыж, а мөд морт пукалө ты помын. Мый налы сэтись колө?

— Ветлам да видзөдлам,— шуис Педор.

Мөдөдчим кустьяс пөлөн. Кутiсны кывны гөлөсьяс. Педор лэптiс чуньсө. Сувтим.

— Но, Юрий, онi позьө и чери кыйны,— кыліс Семен-



лөн гөлөсыс.— Мый нө чөв олан, э? Али фотоаппарат вылад сьомыд оз нин ков?

— Мекөд, Семен дядь, весиг чойой оз сёрнит,— жугыля шуис Юра.

— Сьольшт! Вай вөйталам кулөмъяссө...

— Вөйтлам, колөкө,— ышловзис Юрий.— Гусясьом жө эськө лоө да...

Төдчис, мый Юралы ньоти абу окота вөйтавны кулөмъяс.

— Йөй!— нускыштіс Семен.— Кутшөм нө тайө гусясьом? Чериыс жө дзик весьшөрө петас Эжваө. Видзөд, кутшөм сиръяс тыдовтчылөны! Вузалам кө,— мыйта сьом!

Ми Педөркөд видзөдлім ёрта-ёрт вылө да петім кустьясысь, но сувтім Семенсянь ылөкодь: ме полі, мый Семен өнтая делөсьыд оз яндысь и чужйыны.

Юра падмөмөн видзөдліс ми вылө, курччис парсө, гөрдөдіс, сэсса бергөдчис да, кыв ни джын шутөг, мөдөдчис вис пөлөн увлань.

— Юрий, бергөдчы, э! Тэ нө мый?— горзис Семен.

Юра эз шыгась, а сөмын тэрыбджыка кутіс восьлавны. Семен дөзмөмөн сьольштіс, бергөдчис милань чужмөмөн да лөкысь равөстіс:

— А тіянлы мый татысь колө, э?

— А тэныд мый татысь колө?— синъясөс сувтөді ме.— Тэ кодйин рөвсө?

Педөр пуджис сосьяссө да зэв збыльысь матыстчыліс Семен дорө:

— Весась татысь!

— Ныр увтө весав,— сөдзөдіс Семен, сэсса грөзитчис:— Оні жө весасьой, кытчөдз кыкнаннытө эг суй ваас.

Мый вөчны? Верстьө морткөд тышкасьны ми, дерт, ог вермөй, но и черисө сетны оз жө позь: чериыс ставнымлөн өтувья.

Ми Педөркөд вешйим бокө, шөпкөдчыштім, сэсса лэчим вис дорө, сөлім пыжө да тэрмасьомөн вуджим гортө.

Кык час мысти локтім бөр, но эг кыкөн, а мато кызы морт. Вайодім и Володяос. Семен, миянос аддзис да, сомын паськодис вомсо.

Ми гажа шумон кыским ассыным оти пыж тыо, кыподім Семенлысь куломсо, коді воли ена сьоктома шедом черинас, а сы пыдди войталім ассыным куломьяс.

— Пыжас эм жо нин пуд-мод,— висьталі ме.

— Конфискуйтны!— строга шуис Володя.

Семен усыкодчис пыж доро, но Ваня, ме да ношта морт куим-о-нель кутчысим сылы доромас:

— Тпру!

Ми сералигтырйи бокө йоткыштім Семенос да ректім черисо асланым пыжо.

— Чериыс колхозной, а абу тэнад,— букыштчөм Семенлы шуис Володя.— Гөгөрвоана?

— Босыт ассыд пайто,— нюмъевти ме да шыбиті Семенлы нейджыд екыш. Сійо чужйис черисо, сьоласигтырйи кыскис ассыс пыжсо виско да лосьодчис кывтны.

— Нөрөвитлы!— лэптіс кисо Володя.— Талун сизим чассянь лоо правлениеса членьяслон заседание, и тэныд ковмас сэтчо волыны.

Семен кыв шутог пуксис пыжо.

— Эн вунод,— содтіс Володя,— а то каитчыны кутан... Сэссия ношта со мый: чери взрывайтомсыд ме тэно сеті судо. Суботао лоо общественной суд. Сэні видзодлам, сэтшом-о тэ герой, купшомон петкодлан асьто. Семен паськодис вомсо, чужомыс еждіс. Восьса вомон здук-мод пукалом бoryн Семен бордан голосон мисьтома ерчыштіс да кывтис увланы...

Тайо рытсяныс ми, то отияс, то модьяс лун и вой войтавлім да лэпталім куломьяс. Пыж выло пыж новлім чери да сдайтім кладовщиклы, а сійо юклис колхозникьяслы. Пуд чери нуим и Митрей дядлы. А некымын лун мысти, кор тыыс дзыкөдз визувтіс, пыдосас, нейджыд гопьясын, чериыс кутис пуомон пуны. Тані нойтчисны гы-

рысь сиръяс, чеччалісны ёкышъяс, бок вылысь бок вылө бергалісны госа гычъяс.

Ковмис вайны бөчкаяс. Володя зыртіс ки пыдөсьяссө:
— Бур. Зэв бур. Вай ме тіянөс кутыштла..

А ми сөмын нюмъялім.

Гортын мам сюся да кызкө выль ногөн видзөдліс ме вылө. Шуны нинөм оз шу, но, меным кажитчө, синъясас төдчис менө ошкыштөм. А мамлысь ошкыштөмтө, веськыда кө висьтавыны, ме геждөда кывлывла. Пыр өтитор дольліс: «Ог төд, Питирим, мыйла тэ сэтшөм дыш?..»
А ме нө мыйөн төда, мыйла ме сэтшөм дыш?

* * *

...Ми пукалім колхозной собрание вылын. Сёрнитө Сергей Иванович.

— Миян челядь вөчисны зэв колана удж — лэдзисны Сьөд ты. Таысь налы ыджыд аттьө. Öні тыдорса виддзыс косьмис. А ты пыдөссө ми весалам да көдзам сэтчө кушшөмкө бур турун. Сэсся паськыдджыка рөвняйтам вутшыяссө, и мөдлапөв ставнас лоө машинной видз. Став колхозникъяс нимсянь ме ещө өтчид сьөлөмсянь аттьөала том труженикъясөс.

— Няньөн поэьö нин вердны,— шуис Степан дядь.

Колхозникъяс пөся клопөдісны кияснаныс. Ми нимкодпырысь да неуна яндысигтырйи нюмъялім.

— Но удж, төварышъяс, водзын уна на,— водзө сёрнитіс Сергей Иванович.— Колө бурмөдны, паськөдны видзьяс, мед вермим лөсьөдны уна бур көрым, колө ыджөдны пөскөтинаяс, некымын лун сайын корлім самолёт, сійө ді вывсө киськаліс ядөн. Қор бадь кустъяс косьмасны, найөс ковмас идравны. Сэсся со аски мөдлапөлө вуджөдаім бульдозер, кутам паськөдны Сьөд тысайса пөскөтинасө. Бульдозер дорө бара жө колөны йөз, мед чукөртны посни пуяс-бадыяс да сотны. Ми надейтчам мый миян колхозса том комсомолец-труженикъяс отсаласны миянлы, верстьө йөзлы, вөчны тайө уджсө...

— Вöчам!— жылісны том гёлөсьяс.

— Вöчасны, дерт, мыйла оз вöчны?— шуис Степан дядь.— Крестьянскöй челядь...

Сэссия сёрнитіс Володя.

— Ме рад тані висьтавыны, мый челядь уджалісны віля, сёлөмсяныыс. Торйөн колө пасйыны бур уджысь Вая Поповөс, Федя Пестеровөс, Питирим Зильгановөс, Оля Мичаниковаөс, Таня Зильгановаөс...

Видзөдлім Олякөд ёрта-ёрт вылө. Ме гөрдөді. Оля-лөн мичаник чужөмыс алөймис жө. Ми шудаа нюммунім.

Собрание вылысь петөм бөрын ми, нывьяс да зоньяс, мунім Эжва дорса кыркөтш вылө.

— Сьөд тыным тыдалө,— индіс Таня.

Ми видзөдлім: ылын-ылын тыдаліс кузь да векни пемыд визь.

«Вот өд мый вөчим, а!»— думышти ме.

— Вая, вай ворсышт,— корис Таня,— сывны окота...

Оля пыркнитіс көсаяснас да гажаа видзөдліс ме вылө:

— А мисьтөм Сьөд ты местаад коркө петасны дзоридзьяс!

— Да, петасны мича дзоридзьяс,— меліа видзөдлі Оля вылө да босьті сійөс киöдыс. Педөр көсөйтчис ме вылө, наяна мигнитіс читкыртөм синнас.

А Вая пыр ворсіс. Сёлөмтө вөрзьөдысь мелодияыс лөнъ сынөдті кывтіс ылө-ылө, быттьө кытчөкө чуксаліс.



ЛЕОНИД СТЕПАНОВИЧ ОГНЕВ

ЗДЕСЬ ВЫРАСТУТ ЦВЕТЫ

Повесть на коми языке

Оформление художника В. М. Пунегова

* * *

Редактор *С. Морозов*
Художеств. редактор *М. Безносков*
Техн. редактор *И. Цвунин*
Корректор *В. Потолицына*

Сдано в набор 22/X-60 г. Подписано к печати
8/XII-60 г. Формат $84 \times 108 \frac{1}{32} = 1,0$ бум. л.
3,28 печ. л. (Уч.-изд. л. 2,7). Тираж 2000.

Заказ № 3774. Ц01206. Цена 80 коп.
с 1. I. 61 г. 8 коп.

Коми книжное издательство. Дом печати.

* * *

г. Сыктывкар, Республиканская типография
Полиграфиздата Министерства культуры
Коми АССР

*Тайо книга йылысь отзывъяссь ысталой
татшом адрес кузя: Сыктывкар, Печать керка,
Коми книжной издательство.*

80 к.

с 1. I. 61 г. 8 к.

КОМИ КНИЖНОЙ ИЗДАТЕЛЬСТВО

1960

